

Q. SEPTIMI FLORENTIS
TERTULLIANI
APOLOGETICVS

ET AD
SCAPULAM LIBER.

Accessit
M. MINUCII FELICIS
OCTAVIUS.

*Quid Tertulliano eruditius, quid
acutius? Apologeticus ejus,
& contra Gentes Libri, cum-
etiam seculi obtinent Disciplinam.
S. Hieron. Epist. ad Magnum.*

CANTABRIGIÆ,
Ex Officina Joan. Hayes, Almæ Aca-
demiz Typographi. 1686.
Impensis Henr. Dickinson & Rich. Green,
Bibliopol. Cantabr.

2 2-PTW 100-111-2

FERRELL

20010501092

61.53

RECAPITULATION

3100A

ALVIN K. FELICIS

31 MAY 1960

Wm. J. O'Connell, Jr.

James J. Abolites

1. The first step is to identify the problem or question that needs to be answered.

[illegible]

CHARTERED

THE UNIVERSITY OF CHICAGO

1911

Journal of the American Medical Association



AD LECTOREM.

ANNI jam aliquot elapsi sunt, E-
rudite Lector, ex quo Apolo-
giarum συλλογὴ (quotquot
temporum injuriâ intercepta non
sunt) à viris pietate atque eruditione præ-
stantibus pro causâ Christianorum, tam
Græcè quàm Latine, Scriptarum (collectis
undique & inter se collatis optimis, antiquis-
simisque Editionibus) in lucem emittere me-
cum statueram: Opus, quod sciam, uno Vo-
lumine hucusque ineditum; & quod Orbi li-
terato non ingratum fore, sperandum est.
Neque enim (ut Desiderii Heraldi ver-
bis utar) ex omnibus Antiquitatis monu-
mentis ulla extant, unde tantam de Ve-
teris Ecclesiæ statû, disciplinâ, moribus,
cognitionem percipere possis, quantam ex
Apologeticis Libris; in quibus non so-
lùm calumnias, quibus Christianum no-
men lacerabatur, Fideles diluebant; sed

Ad Lectorem.

& Religionis suæ negotia, quantum apud profanos dicebat, luculentissime explicabant. Interim verò dum huic Operi instamus, quod aliquando absolutum iri desperandum non est, si Deus Opt. Max. vitam nobis & otium concefferit; Q. Septimii Florentis Tertulliani Apologeticum, aureolum quidem Libellum, (quippe qui magnâ quâdam eruditionis copiâ refertus sit, & cunctam seculi disciplinam, quod erat B. Hieronymi iudicium, contineat) prelo subicere visum est: utpote in quo ea tractantur, quæ digna sunt ut, nunc quoque dierum, omnibus inculcentur. Homines enim non ita pridem à Nobis egressi sunt, (ἀλλ' ἐκ ἡμῶν ἐξ ἡμῶν, ut inquit Sanctus ille Apostolus & Evangelista;) nec indiferti quidem, nec indocti, qui in omnibus circulis dicere minimè dubitârunt, illos qui primis temporibus amplexi sunt Veritatem Evangelii, perduelles idèò non fuisse, non quòd Imperii Romani statum evertere noluerunt; sed quia numero & animis impares, hanc everfionem efficere minimè potuerunt. Inclemens certè dictum, nec minùs malitiosum, quàm falsum; cui refellendo, nullum è Veteris Ecclesiæ monumentis magis idoneum esse videbatur, quàm Tertulliani Apologeticus: dignus sanè Liber, quem tam eruditionis cupidi, quàm pacis publicæ studiosi nocturnâ diurnaque manu versent: In quo convitia
hec,

Ad Lectorem.

*Hæc, ut & multa alia, quæ in Patres nostros
jacta fuerant, eo modo contusa sunt & ob-
trita, ut mirum sit ullos jam restare, præ-
sertim inter Christianos, qui opprobria hæc
Veteribus denuò ingerant; cùm ipsos eorum
hostes jam tum puduerit, tam & iniquè age-
re, & impudenter loqui. Fatendum quidem
est, Patres nostros, qui primi ceperunt ag-
noscere & profiteri Nomen Christi, indignis
modis acceptos fuisse à Principibus Roma-
nis; quòd scilicet malis persuasionibus indu-
cti, ideò eos antelucanis horis inter se con-
venire crederent, ut occulta consilia contra
Rempublicam inirent, & Principum jura mi-
nuere studerent. Sed quod haud mediocre
nobis solatium affert, allatas has criminati-
ones non minùs luculenter diluebant Veteres,
quàm ab infensissimis Religionis Christianæ
hostibus malitiosè fictæ fuerant & commentæ.
Et hæc semper fuit Nostorum gloria, quòd
nullis injuriis tam irritari potuerint, ut
in Principes, licèt indignissimè ab eis vex-
arentur, hostili animo essent; aut ullis
adversùs eos conjurationibus assentirent-
ur; etsi eà multitudine septi essent, ut fa-
cilè possent conficere, quod in hoc genere se-
cum statuissent. Vera esse hæc, & vel luce
clariora, cuius hunc Apologeticum evol-
venti patebit. Ubi Ecclesia Christiana Ter-
tulliani ore profitetur, precari se semper
pro omnibus Imperatoribus, vitam illis
pro-*

Ad Lectorem.

prolixam, imperium securum, domum
tutam, exercitus fortes, Senatum fide-
lem, populum probum, Orbem quietum,
& quaecunque hominis, & Caesaris vota
sunt. *Hinc est, quod tantâ confidentiâ glo-
riatur, Albinianos nunquam, aut Nigria-
nos, vel Cassianos inventos fuisse Christi-
anos; utpote qui scirent Imperatorem à Deo
constitutum, hominem à Deo secundum,
post Deum primum, & quidquid est, à
Deo consecutum, & solo Deo minorem.*
*Denique, si hostes exertos agere, & lesi-
vicem referre voluissent Christiani; ne illis
numerosum & copiarum vim defuisse dicerent
posteri, hac literis consignavit. Hesterni
(inquit) sumus, & vestra omnia implevi-
mus, urbes, insulas, castella, municipia,
conciliabula, castra ipsa, tribus, decurias,
palatium, Senatum, forum. Sola vobis
relinquimus templa. Cui bello non ido-
nei, non prompti fuissetus, etiam impares
copiis, qui tam libenter trucidamur, si
non apud istam disciplinam magis occidi li-
ceret, quàm occidere? Hanc fuisse veteris
Ecclesie doctrinam, hanc Majorum nostrorum,
erga Imperatores, Christi nomen nondum
professos, observantiam, palàm est. Quae, si
omnibus nunc dierum, ut olim illis, cordi esset;
non videremus Principum jura imminuta, &
labefacta; faceretur à nobis longè omnis sa-
ctionum, & conjurationum metus; Regibus
fidem*

Ad Lectorem.

fidem debitam, & obsequium præstaremus, & illi denique Paternâ (quod faciunt) benevolentiâ nos complecterentur. Horum præceptorum Magistrum, (quod nomen olim Nostro imposuit sanctus Martyr Cyprianus) Tertullianum scilicet, in manus Tibi damus, E-rudite Lector. In quo accurando quid à nobis præstitum sit, paucis accipe: Contulimus Rigaltii & De-la-Cerdæ Editiones cum illâ Desiderii Heraldii, quæ prodiit Lutetiæ Parisiorum anno 1613. Quâ collatione facta, Heraldianum exemplar (quod cum duobus optimis MS Codicibus collatum fuerat; quorum alterum Puteani fratres, alterum Jacobus Bongarsius utendum ei dederat;) castigatius fuisse comperimus. Hoc igitur, summâ, quâ potuimus, curâ expressum, Tibi exhibemus. Capitulorum argumenta addidimus, ex Edit. De-la-Cerdæ exscripta; unde etiam ad Scapulam Libellum descripsimus. Accessit præterea M. Felicis Octavius, ut ab eodem Heraldio editus fuerat, cum Oxoniensi, & Jacobi Ouzelii, Editionibus collatus; cui Fr. Balduini Præfationem fœdissimis mendis, quibus scatebat, expurgatam præmisimus. Tu verò, Lector Benevole, Operam hanc nostram æqui boni consule, & Vale.



Q. SEPTIMII FLORENTIS
TERTULLIANI
 APOLOGETICVS.

CAP. I.

*Quòd Religio Christiana damnan-
 da non sit, nisi qualis prius in-
 telligatur.*

SI non licet vobis, Romani Im-
 perii Antistites, in aperto, &
 edito ipso ferè vertice civita-
 tis præsentibus ad judican-
 dum, palàm dispicere, & co-
 ram examinare, quid sit liquido in cau-
 sa Christianorum; Si ad hanc solam
 speciem auctoritas vestra de justitiæ
 diligentia in publico aut timer, aut e-
 rubescit inquirere; si denique, quod
 A proxime

proximè accidit, domesticis iudiciis nistis operata fecit hujus infestatio obstitit defensionis: hinc veritati vel oculta via tacitarum literarum ad aures vestras pervenire. Nihil illa de causa sua deprecatur, quia nec de conditione miratur. scit se peregrinam in terris agere; inter extraneos facile inimicos invenire. Cæterum genus, sedem, spem, gratiam, dignitatem in coelis habere. Unum gessit interdum, ne ignorata damnetur. Quid hic deperit legibus in suo regno dominantibus, si audiat? An hoc magis gloriabitur potestas earum, quo etiam auditam damnabunt veritatem? Cæterum inauditam si damnent, præter invidiam iniquitatis, etiam suspensionem merebuntur alicujus conscientie, nolentes audire, quod auditum damnare non possint. Hanc itaque primam causam apud vos collocamus iniquitatis odii erga nomen Christianum. Quam iniquitatem idem titulus & ostendit, & revincit, qui videtur excusare, ignorantia scilicet. Quid enim aliquis, quàm ut oderint homines quod ignorant, etiam si eos mereatur odium? Tunc etenim mereatur, cum cognoscatur an mereatur. Vacante autem nostri sociis, unde odii justitia defenditur?

ditur? quæ non de eventu, sed de conscientia probanda est. Cum ergo propterea oderint homines, quia ignorant quale sit, quod oderunt, cur non liceat ejusmodi illud esse, quod non debeant odisse? Ita utrumque ex alterutro redarguimus, & ignorare illos, dum oderunt, & injustè odisse, dum ignorant. Testimonium ignorantie est, quæ, iniquitatem dum excusat, condemnat, cum omnes, qui retro oderant, quia ignorabant quale sit quod oderant, simul desinunt ignorare, cessant & odisse. Ex his sunt Christiani utique de comperito, & incipiunt odisse, quod fuerant, & profiteri quod oderant, & sunt tanti, quanti & denotantur. Obsessam vociferantur civitatem; in agris, in castellis, in insulis Christianos; omnem sexum, ætatem, conditionem, & dignitatem transgredi ad hoc nomen quasi detrimento moerent: nec tamen hoc ipso modo ad æstimationem alicujus latentis boni, promovent animos. Non licet rectius suspicari, non libet propius experiri, hic tantum curiositas humana torpescit. amant ignorare, cum alii gaudeant cognovisse. Quanto magis hos Anacharsis denotasset imprudentes de prudentibus judicantes, quàm immissi-

cos de musicis ? malunt nescire, quia jam oderunt. adeo quod nesciunt, præjudicant id esse, quod si sciant, odisse non poterant ; quando si nullum odii debitum deprehendatur, optimum utique sit desinere injuste odisse : si vero de merito constet, non modo nihil odii detrahatur, sed amplius acquiratur ad perseverantiam, etiam justitiæ ipsius auctoritate. Sed non ideo, inquit, bonum, quia multos convertit ; quanti enim ad malum performantur ? quanti transfugæ in perversum ? quis negat ? tamen quod verè malum est, ne ipsi quidem, quos rapit, defendere pro bono audent. Omne malum aut timore, aut pudore natura perfudit. Denique malefici gestiunt latere, devitant apparere, trepidant deprehensi, negant accusati, ne torti quidem facile, aut semper confitentur. certè condemnati moerent. dinumerant in semetipsos. mentis malæ impetus vel fato, vel astris imputant ; nolunt enim suum esse, quia malum agnoscunt. Christianus verò quid simile ? neminem pudet, neminem poenitet, nisi planè retro non fuisse. Si denotatur, gloriatur ; si accusatur, non defendit. Interrogatus, vel ultro confitetur ; damnatus, gratias agit. Quid hoc mali est, quod

quod naturalia mali non habet? timorem, pudorem, tergiversationem, poenitentiam, deplorationem. Quid hoc mali est, cuius reus gaudet? cuius accusatio votum est, & poena felicitas? non potes dementiam dicere, qui revinceris ignorare.

CAP. II.

Perversitas quæ in damnandis & absolvendis Christianis observatur.

SI certum est denique nos nocentissimos esse, cur à vobis ipsis aliter tractamur, quàm pares nostri, id est, cæteri nocentes, cum ejusdem noxæ eadem tractatio deberet intervenire? Quodcunque dicimur, cum alii dicuntur, & proprio ore, & mercenaria ad-vocatione utuntur. ad innocentie suæ commendationem. respondendi, altercandi facultas patet: quando nec liceat indefensos, & inauditos omnino damnari. Sed Christianis solis nihil permittitur loqui, quod causam purget, quod veritatem defendat, quod judicem non faciat injustum: sed illud solum expectatur, quod odio publico necessarium est, confessio nominis, non examinatio criminis: quando si de aliquo nocente

cognoscitis, non statim confesso eo nomen homicidæ, vel sacrilegi, vel incesti, vel publici hostis (ut de nostris e-logiis loquar) contenti sitis ad promittendum, nisi & consequentia exigaris, qualitatem facti, locum, modum, tempus, conscios, socios. De nobis nihil tale, cum æque extorquere oporteret quodcumque falsò jactatur; quot quisque jam infanticidia degustasset; quot incesta contenebrasset; qui coci; qui canes affuissent. O quanta illius præsidis gloria, si eruisset aliquem, qui centum jam infantes comedisset. Atqui invenimus inquisitionem quoque in nos prohibitam. Plinius enim Secundus, cum provinciam regeret, damnatis quibusdam Christianis, quibusdam gradu pulsus, ipsa tamen multitudine perturbatus, quid de cætero ageret consuluit tunc Trajanum imperatorem, allegans præter obstinationem non sacrificandi, nihil aliud se de sacramentis eorum comperisse, quam cœtus antehæc ad canendum Christo & Deo, & ad consoderandam disciplinam, homicidium, adulterium, fraudem, perfidiam, & cætera scelera prohibentes. Tunc Trajanus rescripsit, hoc genus inquirendos quidem non esse, oblatos vero puniri.

puniti oportere. Quod sententiam necessitate confusam tunc negat inquirendos, ut innocentes, & mandat puniri, ut nocentes. Parcit, & sevit; dissimulat, & animadvertit. Quid temetipsum censura circumvenis? Si damnas, cur non & inquiris? Si non inquiris, cur non & absolvis? Latronibus vestigandis per universas provincias militaris statio foratur. In reos majestatis, & publicos hostes omnis homo miles est: ad socios, ad confcios inquisitio usque extenditur. Solum Christianum inquiri non licet; offerri licet; quasi aliud esset actura inquisitio, quam oblatiosem. Damnatu ergo oblatum, quem nemo voluit requisitum; qui puto jam non meruit ideo poenam, quia nocens est, sed quia non requirendus, inventus est. Itaque nec in illo ex forma malorum judicandorum agicis erga nos, quod ceteris negantibus adhibens tormenta ad confitendum, fors his Christianis ad negandum; cum si malum esset, nos quidem negaremus, vos vero confiteri tormentis compellereris. Neque enim ideo non putaretis requirenda quaestionibus scelera, quia certi essetis admitti ea ex nominis confessione, qui hodie de confesso homicida, scientes homicidium quid sit, nihilomi-

mus ordinem extorquetis admissi : Quo
perversius, cum præsumatis de sceleri-
bus nostris ex nominis confessione, co-
gitis tormentis de confessione decedere,
ut negantes nomen, pariter utique ne-
gemus & scelera, de quibus ex confes-
sione nominis præsumpseratis. Sed,
opinor, non vultis nos perire, quos
pessimos creditis. Sic enim soletis; di-
cere homicidæ, nega: laniari jubere sa-
cilegum, si confiteri perseverayerit. Si
non ita agitis circa nos nocentes, ergo
nos innocentissimos judicatis, cum qua-
si innocentissimos non vultis in ea con-
fessione perseverare, quam necessitate,
non justitia damnandam à vobis sciatis.
Vociferatur homo, Christianus sum.
quod est, dicit : tu vis audire quod
non est. Veritatis extorquendæ præfi-
des de nobis solis mendacium elabora-
tis audire. Hoc sum, inquit, quod
quæris, an sim. Quid me torques in
perversum? confiteor, & torques: quid
faceres, si negarem? Planè aliis negan-
tibus non facile fidem accommodatis. no-
bis, si negaverimus, statim creditis. Su-
specta sit vobis ista perversitas, ne qua
vis lateat in occulto, quæ vos adver-
sus formam, adversus naturam judican-
di, contra ipsas quoque leges ministret.
Nisi.

Nisi enim fallor, leges malos erui jubent, non abscondi: confessos damnari præscribunt, non absolvi. Hoc Senatus-consulta, hoc principum mandata definiunt; hoc imperium, cuius ministri estis. Civilis, non tyrannica dominatio est. Apud tyrannos enim tormenta etiam pro poena adhibebantur: apud vos soli quæstioni temperatur. vestram illis servate legem usque ad confessionem necessariam. Et jam si confessione præveniantur, vacabunt: sententia opus est: debito poenæ nocens expungendus est, non eximendus. denique nemo illum gestit absolvere. non licet hoc velle. Ideo nec cogitur quisquam negare. Christianum hominem omnium scelerum reum, decorum, imperatorum; legum, morum; naturæ totius inimicum existimas, & cogis negare, ut absolveras, quem non poteris absolvere, nisi negaverit. Prævaricaris in leges. Vis ergo neget se nocentem, ut eum facias innocentem; & quidem invitum jam, nec de præterito reum. unde ista perversitas? ut etiam illud non recogitetis, sponte confessio magis credendum esse, quam per vim neganti; vel ne compulsus negare, non ex fide negarit; & absolutus, ibidem post tribunal de vestra rideat

emulatione iterum Christianus. Cum igitur in omnibus nos aliter disponitis, quam ceteros nocentes, id unum contendendo, ut de eo nomine excludamur (excludimur enim, si facimus, quæ faciunt non Christiani) intelligere potestis, non scelus aliquod in causa esse, sed nomen, quod quædam ratio æmulæ operationis insequitur, hoc primum agens ut homines nolint scire pro certo, quod se nescire pro certo sciunt. Ideo & credunt de nobis quæ non probantur, & nolunt inquiri, ne probentur non esse, quæ malunt credidisse, ut nomen illius æmulæ rationis inimicum, præsumptis non probatis criminibus de sua sola confessione damneretur. Ideo torquemur confitentes, & punimur perseverantes, & absolvimur negantes, quia nominis prælium est. Denique quid de tabella recitatis illum Christianum, cur non & homicidam? Si homicida Christianus, cur non & incestus? vel quodcunque aliud esse nos creditis? In nobis solis pudet, aut piget ipsis nominibus scelerum pronuntiare. Christianus, si nullius criminis reus est, nomen valde infestum, si solius nominis crimen est.

CAP. III.

*Tutulus Christianitatis odiosus, id
tand probat.*

Quid? quod ita plerique clausis oc-
cullis in odium ejus impingunt,
ut bonum alicui testimonium ferentes,
admisceant neminis exprobrationem.
Bonus vir Caius Seius, tantum quod
Christianus. Item alius. Ego Luci-
um sapientem virum repente factum
Christianum. nemo retractat, ne ideo
bonus Caius, & prudens Lucius, quia
Christianus: aut ideo Christianus, quia
prudens, & bonus? Laudant, quæ sci-
unt; vituperant, quæ ignorant: & id,
quod sciunt, eo quod ignorant, cor-
rumpunt, cum sit justius occulta de ma-
nifestis præjudicare, quam manifesta de
occultis prædamnare. Alii, quos retro
ante hoc nomen vagos, viles, improbos
noverant, ex ipso denotant, quod lau-
dant: cæcitate odii in suffragium im-
pingunt. Quæ mulier, quàm lasciva,
quàm festiva. Qui juvenis, quàm Lu-
cius; quàm amatus: facti sunt Chri-
stiani. Ita nomen emendationi imputa-
tur. Nonnulli etiam de utilitatibus suis
cum odio isto paciscuntur, contenti in-
juria, dum ne domi habeant quod ode-
rant.

runt. Uxorem jam pudicam maritus jam non zelotypus; filium subjectum pater retro patiens abdicavit. servum jam fidelem dominus olim mitis ab oculis relegavit. Ut quisque hoc nomine emendatur, offendit. Tanti non est bonum, quanti est odium Christianorum. nunc igitur, si nominis odium est, quis nominum reatus? quæ accusatio vocabulorum? nisi aut barbarum sonat aliqua vox nominis, aut infestum, aut maledicum, aut impudicum. Christianus verò, quantum interpretatio est, de unctione deducitur. Sed & cum perperam Chrestianus pronuntiatur à vobis, (nam nec nominis est notitia penes vos,) de suavitate, vel benignitate compositum est. oditur itaque in hominibus innocuis etiam nomen innocuum. At enim secta oditur in nomine utique sui authoris. Quid novi, si aliqua disciplina de magistro cognomentum sectatoribus suis inducit? nonne philosophi de auctoribus suis nuncupantur Platonici, Epicurei, Pythagorici? etiam à locis conventiculorum, & stationum suarum Stoici, Academici? Neque Medici ab Erasistrato, & Grammatici ab Aristarcho, Coci etiam ab Apicio? nec tamen quemquam offendit professio.

sio nominis cum institutione transmissa ab institutore. planè si qui probavit malam sectam, & ita malum & auctorem, is probabit & nomen malum dignum odio de reatu sectæ, & auctoris. Ideoque ante odium nominis compete-
bat prius de auctore sectam recognoscere, vel auctorem de secta. At nunc utriusque inquisitione, & agnitione neglecta, nomen detinetur, nomen expugnatur. & ignotam sectam, ignotum & auctorem vox sola prædammat, quia nominantur, non quia revincuntur.

CAP. IV.

*Quod leges Principum, & Senat-
tus—consulta nonnunquam errare
possunt, atque adeò repurgari.*

ATque adeo quasi præfatus hæc ad fugillandam odii erga nos publici iniquitatem, jam de causa innocentie consistam, nec tantum refutabo, quæ nobis obijciuntur, sed etiam in ipsos retorquebo, qui obijciunt; ut ex hoc quoque sciant omnes in Christianis non esse, quæ in se nesciunt esse; simul uti erubescant accusantes, non dico pessimi optimos, sed jam, ut volunt, compa-
res suos. Respondebimus ad singula, quæ in occulto admittere dicimur, quæ il-
los.

hos palam admittentes invenimus, in quibus scelesti, in quibus vani, in quibus damnandi, in quibus irridendi deputamur. Sed quoniam, cum ad omnia occurrit veritas nostra, postremo legum obstruitur auctoritas adversus eam, ut aut nihil dicatur retractandum esse post leges, aut ingratis necessitas obsequii præferatur veritati, de legibus prius concurram vobiscum, ut cum tutoribus legam. Jam primum, cum dure definitis dicendo, Non licet esse vos; & hoc sine ullo retractatu humaniore præscribitis, vim prostremini; & iniquam ex arce dominationem; si ideo negatis licere, quia vultis; non quia debuit non licere. quod si quia non debet, ideo non vultis licere, sine dubio id non debet licere, quod male fit, & utique hoc ipso præjudicatur licere quod bene fit. Si bonum invenero esse, quod lex tua prohibuit, nonne ex illo præjudicio prohibere me non potest, quod si malum esset jure prohiberet? si lex tua erravit, puto ab homine concepta est: neque enim de coelo ruit. Miramini hominem aut errare potuisse in lege condenda, aut respicisse in reprobanda. Non enim & ipsius Lycurgi leges à Lacedæmoniis emendatæ tantum auctori

auctori suo doloris incusserunt, ut in se-
cessu inedia de semetipso judicaret? Non-
ne & vos quotidie experimentis illumi-
nantibus tenebras antiquitatis totam il-
lam veterem, & squalentem sylvam le-
gum novis principalium rescriptorum,
& edictorum securibus truncatis, & ce-
ditis? Nonne vanissimas Papias leges,
quæ ante liberos suscipi cogunt, quàm
Julia matrimonium contrahi, post tan-
tæ auctoritatis senectutem, heri Seve-
rus constantissimus principum exclusit?
Sed & judicatos in partes secari à cre-
ditoribus leges erant. consensu tamen
publico crudelitas postea erasa est; &
in pudoris notam capitis poena conver-
sa est, bonorum adhibita proscriptione.
Suffundere maluit hominis sanguinem,
quàm effundere. Quot adhuc vos re-
purgandæ leges latent, quas neque an-
norum numerus; neque conditorum dig-
nitas commendat, sed æquitas sola? &
ideo, cum iniquæ recognoscuntur, me-
rito damnantur, licet damnent cum ini-
quas dicimus, immo si nomen puniunt,
etiam stultas. Si verò facta, cur de
solo nomine puniunt facta, quæ in a-
liis de admissis, non de nomine pro-
bata defendunt? incestus sum; cur non
requirunt? infanticida; cur non extor-
quent?

quent? In Deos, in Cæsares aliquid committo: cur non audior qui habeo quo purger? nulla lex vetat discuti, quod prohibet admitti: quia neque iudex justè ulciscitur, nisi cognoscat admissum esse, quod non licet: neque civis fideliter legi obsequitur: ignorans quale sit quod ulciscitur lex. Nulla lex sibi soli conscientiam justitiæ suæ debet, sed eis, à quibus obsequium expectat. Cæterum suspecta lex est, quæ probari se non vult: improba autem, si non probata dominetur.

CAP. V.

Imperatores Romani Christianum nomen qui probaverunt; & qui oderint.

UT de origine aliquid retractemus ejusmodi legum; vetus erat decretum, ne qui Deus ab imperatore consecraretur, nisi à senatu probatus. Scit M. Æmilius de Deo suo Alburno: Facit & hoc ad causam nostram, quod apud vos de humano arbitratu divinitas pensatur. nisi homini Deus placuerit, Deus non erit, homo jam Deo propitius esse debet. Tiberius ergo, cujus tempore nomen Christianum in seculum introivit, annunciatum sibi ex Syria

Syria Palæstina, quæ veritatem illius divinitatis revelarat, detulit ad senatum cum prærogativa suffragii sui. Senatus, quia non ipse probaverat, respuit. Cæsar in sententia mansit, comminatus periculum accusatoribus Christianorum. Consulite commentarios vestros. illic reperietis primum Neronem in hanc sectam cum maximè Romæ orientem Cæsariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest non nisi grande aliquod bonum à Nerone damnatum. Tentaverat & Domitianus portio Neronis de crudelitate; sed qua & homo, facile ceptum repressit, restitutis etiam quos relegaverat. tales semper nobis persecutores, injusti, impii, turpes, quos & ipsi damnare consuevit, à quibus damnatos restituere soliti estis. Cæterum de tot exinde principibus ad hodiernum, divinum, humanumque sapientibus edite aliquem debellatorem Christianorum. At nos contrario edimus protectorem; si literæ Marci Aurelii gravissimi Imperatoris requirantur, quibus illam Germanicam sitim Christianorum forte militum precationibus impetrato imbri discussam contestatur. Qui sicut
non.

non palam ab eiusmodi hominibus poenam dimovit, ita alio modo palam dispersit, adiecta etiam accusatoribus damnatione, & quidem terrore. Quales ergo leges istae, quas adversus nos soli exequent impii, iniusti, turpes, truces, vani, dementes? quas Trajanus ex parte frustratus est, vetando inquiri Christianos: quas nullus Hadrianus, quamquam curiosorum omnium explorator, nullus Vespasianus, quamquam Judaeorum debellator; nullus Pius, nullus Verus impressit. Facilius utique pessimi ab optimis quibusque ut ab amulis, quam a suis sociis eradicandi judicarentur.

CAP. VI.

Quantum à pietate, & majorum suorum legibus, Romani defecerint.

Nunc Religiosissimi legum, & patrum institutorum protectores, & cultores respondeant velim de sua fide, & honore, & obsequio erga majorum consulta, si à nullo desciverunt? si in nullo exorbitaverunt? si non necessaria, & aprissima quaeque disciplinae oblivaverunt? quoniam illae leges abierunt sumptum, & ambitionem comprimentes?

primentes? quæ cenam ara non amplius in coenam subscribi jubebant, nec amplius quam unam inferri gallinam, & eam non faginatam? quæ patricium, quod decem pondo argenti habuisset, pro magno titulo ambitionis senatu summovebant? quæ theatra stuprandis moribus orientia statim destruebant? quæ dignitatem, & honestorum natalium insignia non temere, nec impune usurpari sinebant? Video enim & centenarias coenas à centenis jam sestertiis dicendas: & in lances (parum est si senatorum, & non libertinorum vel adhuc flagra rumpentium) argentaria metallalla producta. Video & theatra, nec singula satis esse, nec nuda. Nam ne vel hyeme voluptas impudica frigeret, primi Lacedæmonii penulam ludis excogitaverunt. Video & inter matronas, atque prostibulas nullum de habitu discrimen relictum. Circa foeminas quidem etiam illa majorum instituta ceciderunt, quæ modestiæ, quæ sobrietati patrocinebantur, cum aurum nulla norat præter unico digito, quem sponsus oppignerasset propubo annulo. Cum mulieres usque adeo vino abstinerentur, ut matronam ob resignatos cellæ vinariæ loculos sui inedia necarint.

Sub,

Sub Romulo verò quæ vinum attigerat, impune à Mecenio marito trucidata est. Idcirco & oscula propinquis offerre necessitas erat, ut spiriti judicarentur. Ubi est illa felicitas matrimoniorum de moribus utique prosperata, qua per annos ferme sexcentos ab Urbe condita nulla repudium domus scripsit? nunc in foeminis præ auro nullum leve est membrum: præ vino nullum liberum est osculum. Repudium verò jam & votum est, quasi matrimonii fructus. Etiam circa ipsos Deos vestros quæ prospecte decreverant patres vestri, iidem vos obsequentiissimi rescidistis. Liberum patrem cum mysteriis Consules senatus auctoritate non modo urbe, sed universa Italia eliminaverunt. Serapidem, & Isidem, & Harpocratem cum suo Cynocephalo, Capitolio prohibitos inferri, id est, curia Deorum pulsos, Piso, & Gabinius Coss. non utique Christiani, everfis etiam aris eorum abdicaverunt, turpium & otiosarum superstitionum vitia cohibentes. His vos restitistis summam majestatem contulistis. Ubi religio? ubi veneratio majoribus debita à vobis? habitu, victu, instructu, sensu, ipso denique sermone proavis renuntiastis. Laudatis semper antiquitatem,

tem, & nove de die vivitis. Per quod ostenditur, dum à bonis majorum institutis deceditis, ea vos retinere, & custodire, quæ non debuistis, cum quæ debuistis, non custoditis. Adhuc quod videmini fidelissime tueri à patribus traditum, in quo principaliter reos transgressionis Christianos destinatis, studium dico Deorum colendorum, de quo maxime erravit antiquitas, licet Serapidi jam Romano aras restruxeritis; licet Baccho jam Italico furias vestras immolaveritis, suo loco ostendam, proinde despicere, & negligi, & destrui à vobis adversus majorum auctoritatem. Nunc enim ad illam occultorum facinorum infamiam respondebo, ut viam mihi ad manifestiora purgem.

CAP. VII.

Inanis est fama, qua Christianis obijcitur.

Dicimur sceleratissimi de sacramento infanticidii, & pabulo inde, & post convivium incesto, quod eversores luminum canes, lenones scilicet, tenebrarum, & libidinum impiarum inverecundia procurent. Dicimur tamen semper, nec vos quod tandem dicimur, crucere curatis. Ergo aut eruite, si creditis,

diris, aut nolite credere, qui non er-
 istis. De vestra vobis dissimulatione
 præscribitur, non esse, quod nec ipsi au-
 detis etuere. Longe aliud munus car-
 nifici in Christianos imperatis, non ut
 dicant quæ faciunt, sed ut negent quod
 sunt. Census istius disciplinæ, ut jam
 edidimus, à Tiberio est. Cum odio sui
 coepit veritas, simul atque apparuit ini-
 mica esse. Tot hostes ejus quot extra-
 nei, & quidem proprii, ex æmulatione
 Judæi; ex concussione milites; ex na-
 tura ipsi etiam domestici nostri. Quo-
 tidie obsidemur, quotidie prodimur: in
 ipsis plurimum coetibus, & congregatio-
 nibus nostris opprimimur. Quis unquam
 taliter vagienti infanti supervenit? quis
 cruenta, ut invenerat, Cyclopum, & Si-
 renarum ora judici reservavit? quis vel
 in uxoribus aliqua immunda vestigia
 apprehendit? quis talia facinora, cum
 invenisset, celavit, aut vendidit ipsos
 trahens homines? Si semper latemus,
 quando prodium est quod admittimus?
 Imo à quibus prodi potuit? ab ipsis e-
 nim reis non utique; cum vel ex for-
 ma omnibus mysteriis silentii fides debe-
 atur. Samothracia, & Eleusinia reti-
 centur. Quanto magis talia, quæ pro-
 dita interim etiam humanam animad-
 versionem

versionem provocabunt, dum divina servantur? Si ergo non ipsi proditores sui, sequitur, ut extranei; & unde extraneis notitia? cum semper etiam pie imitationes arceam profanos, & arbitris caveant, nisi si impii minus metuant. Natura famae omnibus nota est. vestrum est, *Fama malam, quo non aliud velocius ullum.* Cur malum fama? quia velox? quia index? an quia plurimum mendax? quae nunc quidem, cum aliquid veri affert, sine mendacii vitio est, detrahens, adjiciens, demurans de veritate. Quid? quod ea illi conditio est, ut non, nisi cum mentitur, perseveret. Et tamen diu vivit, quamdiu non probat. Si quidem ubi probavit, cessat esse, & quasi officio nuntiandi functa, rem tradit, & exinde res tenetur, res nominatur, nec quisquam dicit. verbi gratia, hoc Romae aiunt factum, aut, fama est illum provinciam sortitum: sed, Sortitus est ille provinciam: &, Hoc factum Romae. Fama nomen incerti locum non habet ubi certum est. An vero fama credat, nisi inconsideratus? quia sapiens non credit incerto. Omnium est aestimare quancumque illa ambitione diffusa sit, quancumque asseveratione constructa. Quod ab uno aliquando principe exorta sit, necesse

necesse est; exinde in traduces linguarum, & aurium serpat. Et ita modici seminis vitium cætera rumoris obscurat, ut nemo recogitet ne primum illud os mendacium seminaverit: quod sæpe fit aut ingenio æmulationis, aut arbitrio suspicionis, aut non nova, sed ingenita quibusdam mentiendi voluptate. Bene autem, quod omnia tempus revelat, testibus etiam vestris proverbiiis, atque sententiis, ex dispositione naturæ, quæ ita ordinavit, ut nihil diu lateat, etiam quod fama non distulit. Merito igitur fama tamdiu conscia sola est scelerum Christianorum. Hanc indicem adversus nos profertis, quæ, quod aliquando jactavit, tantæque spatio in opinionem corroboravit, usque adhuc probare non valuit.

CAP. VIII.

Flagitia quibus infamantur, nedum falsa sunt, sed de Christianis incredibilia.

UT fidem naturæ ipsius appellem adversus eos, qui talia credenda esse præsumunt, ecce proponimus horum facinorum mercedem; vitam æternam re-promittunt. Credite interim. De hoc enim quero, an & qui credideris, tanti habeas

habeas ad eam tali conscientia pervenire? veni, demerge ferrum in infantem nullius inimicum, nullius reum, omnium filium; vel si alterius officium est, tu modo assiste morienti homini ante quam vixit; fugientem animam novam expecta; excipe rudem sanguinem. Eo panem tuum satia: vescere libenter. Interea discumbens dinumera loca, ubi mater, ubi soror; nota diligenter, ut cum tenebrae ceciderint caninae, non erres. Piaculum enim admiseris, nisi incestum feceris. Talia initiatus, & consignatus vivis in ævum. Cupio respondeas, si tanti æternitas, aut si non, ideo nec credenda. Etiam si credideris, nego te velle. Etiam si volueris, nego te posse. Cur ergo alii possint, si vos non potestis? cur non possitis, si alii possunt? alia nos opinor, natura, Cynopenae, aut Sciapodes; alii ordines dentium; alii ad incestam libidinem nervi. Qui ista credis de homine, potes & facere: homo es & ipse, quod & Christianus. Qui non potes facere, non debes credere. Homo est enim & Christianus, & quod & tu. Sed ignorantibus subjicitur, & imponitur. Nihil enim tale de Christianis asseverari sciebant, observandum utique sibi, & omni vigilantia investigandum.

stigandum. Atque volentibus initiari moris est (opinor) prius patrem illum sacrorum adire, quæ præparanda sint describere. Tum ille; infans tibi necessarius adhuc tener, qui nesciat mortem, qui sub cultro tuo rideat. Item panis, quo sanguinis iurulentiam colligas; præterea candelabra, & lucernæ, & canes aliqui, & offulæ, quæ illos ad eversionem luminum extendant. Ante omnia cum matre, & sorore tua venire debebis. Quid si noluerint, vel nullæ fuerint? quid denique singulares Christiani? non erit (opinor) legitimus Christianus nisi frater, aut filius. Quid nunc & si ista omnia ignaris præparantur? Certè postea cognoscunt, & sustinent, & ignoscunt. Timent plecti, si proclamant, qui defendi merebuntur; qui etiam ultro perire malint, quam sub tali conscientia vivere. Age nunc timeant; cur etiam perseverant? Sequitur enim ne ultra velis id te esse, quod si prius scisses, non fuisses.

CAP. IX.

*Quòd qua Christianis objiciuntur,
in sacris ipsorum gentiliùm, tum
in aperto, tum in occulto com-
mittantur.*

HÆC quo magis refutaverim, à
vobis fieri ostendam partim in a-
perto, & partim in occulto, per quod for-
sitàn & de nobis credidistis. Infantes
penes Africam Saturno immolabantur
palàm usque ad proconsulatum Tibe-
rii, qui eisdem Sacerdotes in eisdem
arboribus templi sui obumbratricibus
scelerum, votivis crucibus exposuit, te-
ste militia patriæ nostræ, quæ idipsum
munus illi proconsuli functa est. Sed
& nunc in occulto perseveratur hoc sa-
crum facinus. non soli vos contemnunt
Christiani, nec ullum scelus in perpe-
tuum eradicatur, aut mores suos aliqui
Deus mutat. Cum propriis filiis Sa-
turnus non pepercit, extraneis utique
non parcendo perseverabat, quos qui-
dem ipsi parentes sui offerebant, & li-
bentes respondebant, & infantibus blan-
diebantur, ne lachrymantes immolaren-
tur. Et tamen multum homicidio pari-
cidium differt. Major ætas apud Gal-
los Mercurio prosecatur. Remitto Tau-

ricas fabulas theatri suis. Ecce in illa religiosissima urbe Æneadarum piotum est Jupiter quidam, quem ludis suis humano proluunt sanguine. Sed bestiarum, inquitis. Hoc opinor minus quam hominis. An hoc turpius, quod mali hominis? certe tamen de homicidio funditur. O Jovem Christianum, & solum Patris Filium de crudelitate. Sed quoniam de infanticidio nihil interest, sacro an arbitrio perpetratur (licet patricidium homicidio intersit) convertar ad populum. Quot vultis ex his circumstantibus, & in Christianorum sanguinem hiantibus, ex ipsis etiam vobis iustissimis, & severissimis in nos præsidiis apud conscientias pulsem, qui natos sibi liberos enecent? Siquidem & de genere necis differt, utique crudelius in aqua spiritum extorquetis, aut frigori, & fami, & canibus exponitis. Ferro enim mori ætas quoque major optaverit. Nobis verò homicidio semper interdicto, etiam conceptum utero, dum adhuc sanguis in hominem delibatur, dissolvere non licet. Homicidii festinatio est prohibere nasci. Nec refert natam quis eripiat animam, an nascentem disturbet. Homo est & qui est futurus. Etiam fructus omnis jam in semine est.

De

De sanguinis pabulo, & ejusmodi tragicis ferculis legite necubi relatum sit (est apud Herodotum, opinor) defusum brachiis sanguinem ex alterutro degustatum nationes quasdam foederi comparasse. Nescio quid & sub Catilina degustatum est. Aiunt & apud quosdam gentiles Scytharum defunctum quemque à suis comedi. Longe excurro. Hodie istic Bellonæ sacratus sanguis de femore profcisso in palmulam exceptus suis datus signatis. Item illi, qui munere in arena noxiorum jugulatorum sanguinem recentem de jugulo decurrentem exceptum avida siti comitali morbo medentes hauserunt. Ubi sunt item illi, qui de arena ferinis obsoniis coenant? qui de apro, qui de cervo petunt? Aper ille, quem cruentavit, coluctando deterfit; Cervus ille in gladiatoris sanguine jactavit. Ipsorum urforum alvei appetuntur cruditantes adhuc de visceribus humanis. Ructatur proinde ab homine caro pasta de homine. Hæc qui editis, quantum abestis à convivii Christianorum? Minus autem & illi faciunt, qui libidine fera humanis membris inhiant, quia vivos vorant? minus humano sanguine ad spurcitiam consecrantur, quia futurum sanguinem

guinem lambunt? non edunt infantes
planè, sed magis puberes. Erubescat
error vester Christianis, qui ne anima-
lium quidem sanguinem in epulis escu-
lenti habemus. Qui propterea quo-
que suffocatis, & morticiniis abstine-
mus, ne quo sanguine contaminemur
vel intra viscera sepulto. Denique in-
ter tentamenta Christianorum, botulos
etiam cruore distentos admovetis, cer-
tissimi scilicet illicitum esse petes illos,
per quod exorbitare eos vultis. Por-
rò quale est, ut quos sanguinem peco-
ris horrere confiditis, humano inhiare
credatis? nisi forte suaviorem eum ex-
perti, quem quidem & ipsum proinde
examinatorem Christianorum adhiberi
ut foculum, ut acerram oportebat. Pro-
inde enim probarentur sanguinem hu-
manum appetendo, quemadmodum sa-
crificium respuendo: alioquin necandi
si gustassent, quemadmodum si non im-
molassent. Et utique non deesset vo-
bis in auditione custodiarum, & dam-
natione sanguis humanus. Proinde in-
cesti qui magis, quàm quos ipse Jupi-
ter docuit? Persas cum suis matribus
misceri Ctesias refert. Sed & Macedo-
nes suspecti, quia cum primum Oedi-
pum tragoediam audissent, ridentes in-
cesti

cesti dolorem, *ululatus*, dicebant, *et, tunc*
muta. Jam nunc recogitate quan-
tum liceat erroribus ad incesta miscen-
da suppeditante materias passivitate lu-
xuriæ. In primis filios exponitis sus-
cipiendos ab aliqua prætereunte mise-
ricordia extranea, vel adoptandos me-
lioribus parentibus emancipatis. Ali-
enari generis necesse est quandoque me-
moriæ dissipari. Et simul error impe-
gerit, exinde jam tradux proficiet ince-
sti serpente genere cum scelere. Tunc
deinde quocunque in loco, domi, pere-
grè, trans freta comes est libido. Cu-
jus ubique saltus facile possunt alicubi
ignaris filios pangere, vel ex aliqua se-
minis portione; uti aspersum genus per
commercium humana concurrat in me-
morias suas, neque eas coetus incesti
sanguinis agnoscat. Nos ab isto even-
tu diligentissima & fidelissima castitas
sepsit: quantumque ab stupris, & ab
omni post matrimonium excessu, tan-
tum & ab incestu casu tui sumus. Qui-
dam multo securiores totam vim hujus
erroris virgine continentia depellunt,
senes, pueri. Si hæc in vobis esse con-
sideraretis, proinde in Christianis non
esse perspiceretis. Idem oculi renun-
tiasse utrumque. Sed excitatis duæ

species facile concurrunt, ut qui non vident quæ sunt, & videre videantur, quæ non sunt. Sic per omnia nunc ostendam. Nunc de manifestioribus dicam.

CAP. X.

Deos quos colunt, non esse Deos.

DEos, inquitis, non colitis, & pro imperatoribus sacrificia non impenditis. Sequitur, ut eadem ratione pro aliis non sacrificemus, quia nec pro nobis ipsis, semel deos non colendo. Itaque sacrilegii, & majestatis rei convenimur. Summa hæc causa, imò tota est, & utique digna cognosci; si non præsumptio, aut iniquitas judicet, altera, quæ desperat, altera, quæ recusat veritatem. Deos vestros colere definimus, ex quo illos non esse cognoscimus. Hoc igitur exigere debetis, uti probemus non esse illos deos, & idcirco non colendos, quia tunc demum coli debuissent, si dii fuissent. Tunc & Christiani puniendi, si quos non colerent, quia putarent non esse, constaret illos deos esse. Sed nobis, inquitis, dii sunt. Appellamus, & provocamus à vobis ad conscientiam vestram. Illa nos judicet, illa nos damnet, si poterit negare omnes istos deos.

deos vestros homines fuisse. Si & ipsa inficias ierit, de suis antiquitatum instrumentis revincetur; de quibus eos didicit testimonium perhibentibus ad hodiernum, & civitatibus, in quibus nati sunt, & regionibus, in quibus aliquid operati, vestigia reliquerunt, in quibus etiam sepulti demonstrantur. Nec ego per singulos decurram, tot ac tantos, novos, veteres, barbaros, Græcos, Romanos, peregrinos, captivos, adoptivos, proprios, communes, masculos, feminas, rusticos, urbanos, nauticos, militares, (otiosum est etiam titulos persequi,) ut colligam in compendium, & hoc non quo cognoscatis, sed recognoscatis: certe enim oblitos agitis. Ante Saturnum Deus penes vos nemo est. Ab illo census totius vel potioris, vel notioris divinitatis. Itaque quod de origine constiterit, id & de posteritate conveniet. Saturnum itaque, quantum literæ docent, neque Diodorus Græcus, aut Tallus, neque Cassius Severus, aut Cornelius Nepos, neque ullus commentator ejusmodi antiquitatum, aliud quàm hominem promulgaverunt. Si quantum rerum argumenta, nusquam invenio fideliora, quàm apud ipsam Italiam, in qua Saturnus post multas expeditiones,

postquam Attica hospitia confedit, exceptus ab Jano, vel Janē, ut Salii volunt. Mons quem incoluerat, Saturnius dictus. Civitas, quam depalaverat, Saturnia usque nunc est. Tota denique Italia post Oenotriam, Saturnia cognominabatur. Ab ipso primum tabulae, & imagine signatus numus, & inde avario praesidet. Tamen si homo Saturnus, utique ex homine, & quia ab homine, non utique de coelo & terra. Sed cujus parentes ignoti erant, facile fuit eorum filium dici, quorum & omnes possumus videri. Quis enim non coelum, & terram matrem, ac patrem venerationis, & honoris gratia appeller, vel ex consuetudine humana, qua ignoti, vel ex inopinato apparentes de coelo supervenisse dicuntur? Proinde Saturno repentino ubique coelitem contigit dici. Nam & terrae filios vulgus vocat, quorum genus incertum est. Taceo quod ita rudes adhuc homines agebant, ut cujuslibet novi viri aspectu, quasi divino commoverentur: cum hodie jam politi, quos ante paucos dies iustu publico mortuos sint confessi, in Deos consecrent. Satis jam de Saturno licet paucis. Etiam Jovem ostendimus tam hominem quam ex homine,

mine, & deinceps totum generis examen tam mortale, quam seminis sui par.

CAP. XI.

Vanissima sunt causa, cur qui homines essent, facti sint Dii.

ET quoniam sicut homines fuisse non audetis negare, ita post mortem Deos factos instituistis asseverare, causas, quæ hoc exegerint, retractemus. In primis quidem necesse est concedatis esse aliquem sublimiorem Deum, & mancipem quendam divinitatis, qui ex hominibus Deos fecerit. Nam neque sibi illi potuissent sumere divinitatem, quam non habebant, nec alius præstare eam non habentibus, nisi qui proprie possidebat. Cæterum si nemo esset, qui Deos faceret, frustra præsumitis Deos factos auferendo factorem. Certe quidem si ipsi se facere potuissent, nunquam homines fuissent, possidentes scilicet melioris conditionis potestatem. Igitur si est qui faciat Deos, revertor ad causas examinandas faciendorum ex hominibus Deorum: nec ullas invenio, nisi si ministeria, & auxilia officiis divinis desideravit ille magnus Deus. Primo indignum est, ut alicujus opera
indis-

indigeret, & quidem mortui, cum dignius ab initio Deum aliquem fecisset, qui mortui erat operam desideraturus. sed nec operæ locum video. Totum enim hoc mundi corpus sive innatum, & infectum secundum Pythagoram, sive natum, & factum secundum Platonem, semel utique in ista constructione dispositum, & instructum, & ordinatum cum omni rationis gubernaculo inventum est. imperfectum non potuit esse, quod perficit omnia. Nihil Saturnum, & Saturniam gentem expectabat. Vani erunt homines, nisi certi sint, à primordio & pluvias de coelo ruisse, & sydera radiasse, & lumina floruisse, & tonitrua mugisse, & ipsum Jovem, quæ in manu ejus ponitis fulmina, tenuisse. Item omnem frugem ante Liberum, & Cererem, & Minervam, immo ante illum aliquem principem hominem de terra exuberasse, quia nihil continendo, & sustinendo homini prospectum post hominem potuit inferri. Denique invenisse dicuntur necessaria ista vitæ, non instituisse, quod autem invenitur, fuit, & quod fuit, non ejus deputabitur, qui invenit, sed ejus, qui instituit; erat enim antequam inveniretur. Cæterum si propterea Liber Deus, quod vitem.

vitem demonstravit, male cum Lucullo actum est, qui primus cerasa ex ponto Italiae promulgavit, quod non est propterea consecratus, ut novae frugis auctor, quia inventor, & ostensor. Quamobrem si ab initio & instructa, & certis exercendorum officiorum suorum rationibus dispensata universitas constitit, vacat ex hac parte causa allegandae humanitatis in divinitatem, quia quas illis stationes, & potestates distribuistis, tam fuerunt ab initio, quam & fuissent etiamsi Deos istos non creassentis. Sed convertimini ad causam aliam, respondentes collationem divinitatis meritorum remunerandorum fuisse rationem. & hinc concedetis opinor illum Deum deificum justitia praecellere, qui nec temere, nec indigne, nec prodige tantum praemium dispensavit. Volo igitur merita recensere, an ejusmodi sint, ut illos in coelum extulerint, & non potius in imum Tartarum mitterint, quem carcerem poenarum infernarum cum vultis affirmatis. Illuc enim abstrudi solent impii, quique in parentes, & in sorores incesti, & maritarum adulteri, & virginum raptores, & puerorum contaminatores, & qui saeviunt, & qui occidunt, & qui furantur, & qui deci-

decipiunt, & quicunque similes sunt alicuius Dei vestri, quem neminem integrum à crimine, aut vicio probare poteritis nisi hominem negaveritis. At quia ut illos homines fuisse non possitis negare, etiam istæ notæ accedunt, quæ nec Deos postea factos credi permittunt. Si enim talibus vos puniendis præsidetis; si commercium, colloquium, convivium malorum, & turpium probi quique respicitis, horum autem pares Deus ille majestatis suæ consortio ascivit, quid ergo damnatis quorum collegas adoratis? Suggillatio est in cœlo vestra justitia. Deos facite criminofissimos quosque ut placeatis diis vestris. Illorum est honor consecratio coræquallium. Sed, ut omittam hujus indignitatis retractatum; probi, & integri, & boni fuerint. Quot tamen potiores viros apud inferos reliquistis? aliquem de sapientia Socratem, de justitia Aristidem, de militia Themistoclem, de sublimitate Alexandrum, de felicitate Polycratem, de copia Croesum, de eloquentia Demosthenem? Quis ex illis diis vestris gravior, & sapientior Catone? Justior, & militarior Scipione? Quis sublimior Pompeio? Felicior Sylla? copiosior Crasso? eloquentior Tullio? Quanto

Quanto dignius istos Deos ille assumendos expectasset, præsciens utique potiorum? properavit, opinor. & cecum semel clussit, & nunc utique melioribus apud inferos musicantibus erubescit.

CAP. XII.

Simulacra colere, alienum est ab omni ratione.

CEsso jam de istis, ut qui sciam me ex ipsa veritate demonstraturum quid non sint, cum ostendero quid sint. Quantum igitur de Diis vestris, nomina solummodo video quorundam veterum mortuorum, & fabulas audio, & sacra de fabulis recognosco. Quantum autem de simulachris ipsis, nihil aliud reprehendo, quam materias, sordes esse vasculorum, instrumentorumque communium, vel ex iisdem vasculis, & instrumentis quasi fatum consecratione mutantes licentia artis transfigurante, & quidem contumeliosissime, & in ipso opere sacrilege, ut revera nobis, maximè qui propter Deos ipsos plectimur, solatium poenarum esse possit, quod eadem & ipsi patiuntur, ut fiant. Crucibus, & stipitibus impositis Christianos. Quod simulachrum non prius

prius argilla deformat cruci, & stipiti
superstructa? In patibulo primum cor-
pus Dei vestri dedicatur. Ungulis dera-
ditis latera Christianorum. At in Deos
vestros per omnia membra validius
incumbunt asciae, & runcinae, & scobi-
nae. Cervices ponimus ante plumbum,
& glutinum, & gomphos, sine capite
sunt dii vestri. Ad bestias impellimur;
certe quas Libero, & Cybele, & Cœ-
lesti applicatis. Ignibus urimur. Hoc
& illi à prima quidem massa. In me-
talla damnamur. Inde censentur dii ve-
stri. In insulis relegamur. Solet & in
insula aliqui Deus vester aut nasci, aut
mori. Si per hæc constat divinitas ali-
qua, ergo qui puniuntur, consecrantur,
& numina erunt dicenda supplicia. Sed
plane non sentiunt has injurias, & con-
tumelias suæ fabricationis dii vestri.
sicut nec obsequia. O impiæ voces, O
sacrilega convitia. infrendite, inspuma-
te, iidem estis, qui Senecam aliquem
pluribus, & amarioribus de vestra su-
perstitione perorantem reprehendistis.
Igitur si statuas, & imagines frigidæ
mortuorum suorum simillimas non ado-
ramus, quas milvi, & mures, & ara-
neæ intelligunt, nonne laudem magis,
quam poenam merebatur repudium ag-
niti

niti erroris? Possumus enim videri laedere eos, quos certi sumus omnino non esse? quod non est, nihil ab ullo patitur, quia non est.

CAP. XIII.

De ludibrio in Deos, tum domesticos, tum publicos.

SED nobis dii sunt, inquis. Et quomodo vos è contrario impii, & sacrilegi, & irreligiosi erga Deos vestros deprehendimini? qui quos præsumitis esse, negligitis; quos timetis, destruitis; quos etiam vindicatis, illuditis. Recognoscite, si mentiar. Primo, quia cum alii alios colitis, utique quos non colitis, offenditis. Prælatio alterius sine alterius contumelia non potest procedere, quia nec electio sine reprobatione. Jam ergo contemnitis, quos reprobatis, quos reprobando offendere non timetis. Nam ut supra perstrinximus, status Dei cujusque in senatus æstimatione pendebar. Deus non erat, quem homo consultus noluisse, & nolendo damnasset. Domesticos Deos, quos Lares dicitis, domestica potestate tractatis, pignerando, vendicando, demutando, aliquando in cacabulum de Saturno, aliquando in trullam de Minerva, ut quisque

que contritus, atque contusus est, dum diu colitur, ut quisque dominus sanctiorem expertus est domesticam necessitatem. Publicos æque publico jure foedatis, quos in hastario vectigales habetis. Si Capitolium, si Olitorium forum petitur, sub eadem voce præconis, sub eadem hasta, sub eadem annotatione quæstoris divinitas addicta conducitur. Sed enim agri tributo onusti viliores. Hominum capita stipendio censa ignobiliora. Nam hæ sunt notæ captivitatis. Dii vero, qui magis tributarii, magis sancti. Immo qui magis sancti, magis tributarii. Majestas quæstuaria efficitur. Circuit cauponas religio mendicans. Exigitis mercedem pro solo templi, pro aditu sacri. Non licet Deos nosse gratis: venales sunt. Quid omnino ad honorandos eos facitis, quod non etiam mortuis vestris conferatis? ædes proinde, aras proinde. Idem habitus, & insignia in statu. Ut ætas, ut ars, ut negotium mortui fuit, ita Deus est. Quo differt ab epulo Jovis filicet nium? a simpulo obba? ab aruspice pollinctor? Nam & aruspex mortuis apparet. Sed digne Imperatoribus defunctis honorem divinitatis dicatis, quibus & viventibus eum addicatis, accepto ferent dii vestri, immo

immo gratulabuntur, quod pares eis fiant domini sui. Sed cum Larentinam publicum scortum, velim saltem Laidem, aut Phrynen; inter Junones, & Cereres, ac Dianas adoratis; cum Simonem Magum statua, & inscriptione sancti Dei inauguratis; cum de pædagogis aulicis nescio quem; cinædum deum facitis, licet non nobiliores dii veteres, tamen contumeliam à vobis deputabunt, hoc & aliis licuisse, quod sonis antiquitas contulit.

CAP. XIV.

Quæ ludibria Poeta & Philosophi de Diis scripserunt.

Volo & ritus vestros recensere, non dico quales sitis in sacrificando, cum enecta, & tabidosa, & scabiola quæque mactatis; cum de opimis, & integris supervacua quæque truncatis capitula, & ungulas, quæ domi quoque pueris, vel canibus destinassetis; cum de decima Herculis, nec tertiam partem in aram ejus imponitis. Laudo magis sapientiam, quod de perduto aliquid eripitis. Sed conversus ad literas vestras, quibus informamini ad prudentiam, & ad liberalia officia, quanta invenio ludibria. Deos inter se propter

propter Trojanos, & Achivos, ut gladiatorum paria congressos depugnasse. Venerem humana sagitta sauciatam, quod filium suum Æneam pene interfectum ab eodem Diomede rapere vellet. Martem tredecim mensibus in vinculis penè consumptum. Jovem, ne eandem vim à cæteris coelitis experiretur, opera cujusdam monstri liberatum, & nunc flentem Sarpedonis casum, nunc foede subantem in sororem sub commemoratione non ita dilectarum jam pridem amicarum. Exinde quis non Poëta ex auctoritate principis sui dedecorator invenitur Deorum? Hic Apollinem Admeto Regi pascendis pecoribus addicit. Ille Neptuni structorias operas Laomedonti locat. Est & ille de Lyricis (Pindarum dico) qui Æsculapium canit avaritiæ merito, quæ medicinam nocenter exercebat, fulminè vindictum. Malus Jupiter, si fulmen illius est, impius in nepotem, invidus in artificem. hæc neque vera prodi, neque falsa, confingi apud religiosissimos oportebat. Nec Tragici quidem, aut Comici parcunt, ut non ærumnas, vel errores domus alicujus Dei præsentur. Taceo de philosophis, Socrate contentus, qui in contumeliam Deorum quer-
cum,

cum, & hircum, & canem dejerabat. Sed propterea damnatus est Socrates, quia Deos destruebat. Planè olim, id est, semper, veritas odio est. Tamen cum poenitentia sententiæ Athenienses, & criminatores Socratis postea affligerint, & imaginem ejus auream in templo collocarint, rescissa damnatio testimoniam Socrati reddidit. Sed & Diogenes nescio quid in Herculem ludit: & Romanus Cynicus Varro trecentos Joves, five Jupiteres dicendum, sine capitibus introducit.

CAP. XV.

Quàm sint fœda quæ in theatris ac scenâ de Diis representantur.

CÆtera lasciviæ ingenia etiam voluptatibus vestris per Deorum dedecus operantur. Dispicite Lentulorum, & Hostiliorum venustates, utrum mimos an Deos vestros in jocis, & strophis rideatis. Moechum Anubim, & masculum Lunam, & Dianam flagellatam, & Jovis mortui testamentum recitatum, & tres Hercules famelicos irrisos. Sed & histrionum literæ omnem foeditatem eorum designant. Luget Sol filium jactatum de coelo latantibus vobis. Et Cybele pastorem suspirat fastidiosum

stidiosum non erubescant vobis. Et sustinetis Jovis elogia cantari, & Junonem, Venerem, Minervam à pastore judicari. Quid, quod imago Dei vestri ignominiosissimum caput, & famosum vestit? quod corpus impurum, & ad istam artem effoeminatione productum Minervam aliquam, vel Herculem repræsentat? nonne violatur majestas, & divinitas constupratur laudantibus vobis? planè religiosiores estis in cavea, ubi super sanguinem humanum, super inquinamenta poenarum proinde saltant dii vestri, argumenta, & historias noxiis ministrantes, nisi quod & ipsos Deos vestros sæpe noxii induunt. Vidimus aliquando castratum Atyn illum Deum ex Pessinunte, & qui vivus ardebat, Herculem induerat. Risimus & inter ludicras meridianorum crudelitates Mercurium mortuos cauterio examinantem. Vidimus & Jovis fratrem gladiatorum cadavera cum malleo deducentem. Singula ista quæque adhuc investigare qui posset, si honorem inquietant divinitatis, si majestatis vestigia obsoletant, de contemptu utique censentur, tam eorum, qui ejusmodi faciunt, quam eorum, quibus faciunt. Sed ludicra ista sunt. Cæterum si adjiciam,

jiciam, quæ non minus conscientia omnium recognoscent, in templis adulteria componi, inter aras lenocinia tractari, in ipsis plerumque æditiuorum, & sacerdotum tabernaculis, sub iisdem vitis, & apicibus, & purpuris, thure flagrante libidinem expungi, nescio ne plus de vobis dñi vestri, quam de Christianis querantur. Certe sacrilegi de vestris semper apprehendantur. Christiani enim templa nec interdium norunt; spoliarent forsitan ea & ipsi, si & ipsi ea adorarent. Quid ergo colunt, qui talia non colunt? Jam quidem intelligi subjacet veritatis esse cultores, qui mendacii non sint: nec errare amplius in eo, in quo errasse se recognoscendo cessaverint. Hoc prius capite, & omnem hinc sacramenti nostri ordinem haurite, repercussis ante tamen opinionibus falsis.

CAP. XVI.

*Christiani non caput Asini colunt,
non rectos palos, non Solem, non
Ononychetem.*

NAM & quidam somniasitis caput asinum esse Deum nostrum. Hanc Cornelius Tacitus suspicionem ejusmodi inseruit. Is enim in quinta histori-
arum

arum suarum bellum Judaicum exorsus ab origine gentis etiam de ipsa tam origine quam de nomine, & religione gentis, quæ voluit, argumentatus, Judæos refert Ægypto expeditos, sive, ut putavit, extorres, vastis Arabiæ in locis aquarum egentissimos, cum siti macerarentur, onagris, qui forte de pastu potum petitori æstimabantur, indicibus, fontibus usos, ob eam gratiam confimilis bestię superficiem consecrasse. Atque ita inde præsumptum, opinor, nos quoque, ut Judaicę religionis propinquos, eidem simulacro initiari. At enim idem Cornelius Tacitus, sanè ille mendaciorum loquacissimus, in eadem historia refert Cn. Pompeium, cum Hierusalem cepisset, proptereaque templum adisset speculandis Judaicę religionis arcanis, nullum illic reperisse simulachrum. Et utique si id colebatur, quod aliqua effigie repræsentabatur, nusquam magis quàm in sacrario suo exhiberetur, eo magis, quia nec verebatur extraneos arbitros quanquam vana cultura. Solis enim sacerdotibus adire licitum: etiam conspectus cæterorum velo oppanso interdicebatur. Vos tamen non negabitis & jumenta omnia, & totos cantherios cum sua Hippona coli

coli à vobis. Hoc forsitan improbandum, quod inter cultores omnium pecudum, bestiarumque, asinarii tantum sumus. Sed & qui crucis nos religiosos putat, consecraneus erit noster, cum lignum aliquod propiciatur. Viderit habitus, dum materiæ qualitas eadem sit; viderit forma, dum id ipsum Dei corpus sit. Et tamen quanto distinguitur à crucis stipite Pallas Attica? & Ceres farrea, quæ sine effigie rudi palo, & informi ligno prostat? Pars crucis est omne robur, quod erecta statione defigitur. Nos si forte integrum, & totum Deum colimus. Diximus originem Deorum vestrorum à plastis de cruce induci. Sed & victorias adoratis, cum in tropæis cruces intestina sint tropæorum. Religio Romanorum tota castrensis, signa veneratur, signa jurat, signa omnibus diis præponit. Omnes illi imaginum suggestus insignes, monilia crucium sunt. Sypara illa vexillorum, & Cantabrorum stolæ crucium sunt. Laudo diligentiam, nolistis nudas, & incultas cruces consecrare. Alii planè humanius, & verisimilius Solem credunt Deum nostrum. Ad Persas si forte deputabimur, licet Solem non in linteo depictum adoremus, habentes ipsum ubique in suo clypeo.

C

denique

denique inde suspicio, quod innouerit nos ad orientis regionem precari. Sed & plerique vestrum affectatione aliquando, & cœlestia adorandi ad Solis ortum labia vibratis. Æque si diem Solis lætitiæ indulgemus, alia longè ratione quam religione Solis, secundo loco ab eis sumus, qui diem Saturni otio, & victui decernunt, exorbitantes & ipsi à Judaico more, quem ignorant. Sed nova jam Dei nostri in ista civitate proxime editio publicata est, ex quo quidam in frustrandis bestiis mercenarius noxius picturam proposuit cum ejusmodi inscriptione, Deus Christianorum Ononychitis. Is erat auribus afininis, altero pede ungulatus, librum gestans, & rogatus. Risimus & nomen, & formam. Sed illi debebant adorare statim biforme numen, quia & canino, & leonino capite commistos, & de capro, & de ariete cornutos, & à lumbis hircos, & à cruribus serpentes, & planta, vel tergo alites Deos receperunt. Hæc ex abundanti, nequid rumoris inrepercussum quasi de conscientia præterissimus. Quæ omnia conversi jam ad demonstrationem religionis nostræ repurgavimus.

C A P. XVII.

Quod Deus unus sit, multis argumentis probari posse.

Quod colimus, Deus unus est, qui totam molem istam cum omni instrumento elementorum, corporum, spirituum, verbo, quo jussit, ratione, qua disposuit, virtute, qua potuit, de nihilo expressit in ornamentum majestatis suae, unde & graeci nomen mundo *κβαρον* accommodaverunt. Invisibilis est, etsi videatur; incomprehensibilis, etsi per gratiam repraesentetur; inestimabilis, etsi humanis sensibus aestimetur. Ideo verus, & tantus est. Ceterum quod videri communiter, quod comprehendere, quod aestimari potest, minus est & oculis, quibus occupatur, & manibus, quibus contaminatur, & sensibus, quibus invenitur. Quod vero immensum est, soli sibi notum est. Hoc quod est, Deum aestimari facit, dum aestimari non capit. Ita eum vis magnitudinis & notum hominibus objecit, & ignotum. Et haec est summa delicti nolentium, recognoscere, quem ignorare non possunt. Vultis ex operibus ipsius tot, ac talibus, quibus continemur, quibus sustinemur, quibus oblectamur, etiam quibus exterremur?

mur? vultis ex animæ ipsius testimonio comprobemus? quæ licet carcere corporis pressa, licet institutionibus pravis circumscripta, licet libidinibus ac concupiscentiis evigorata, licet falsis diis exancillata, cum tamen resipiscit, ut ex crapula, ut ex somno, ut ex aliqua valetudine, & sanitatem suam patitur, Deum nominat, hoc solo quia propriè verus hic unus Deus, bonus, & magnus. Et quod Deus dederit, omnium vox est. Judicem quoque contestatur illum, Deus videt, & Deo commendo, & Deus mihi reddet. O testimonium animæ naturaliter Christianæ. denique pronuntians hæc, non ad Capitolium, sed ad coelum respicit. Novit enim sedem Dei vivi, ab illo, & inde descendit.

CAP. XVIII.

De opera Ptolomæi Philadelphi, quæ in Græcam linguam translata sunt sacra Scriptura.

SED quo plenius, & impressius tam ipsum, quam dispositiones ejus, & voluntates adiremus, instrumentum adjecit literaturæ, si qui velit de Deo inquirere, & inquisito invenire, & invento credere, & credito deservire. Viros

ros enim iustitia, & innocentia dignos
Deum nosse & ostendere à primordio
in seculum emisit spiritum divino inunda-
tos, quo prædicarent Deum unicum
esse, qui universa condiderit, qui ho-
minem de humo instruxerit; (hic enim
est verus Prometheus) qui seculum
certis temporum dispositionibus, & exi-
tibus ordinavit; exinde quæ signa ma-
jestatis suæ judicantis ediderit per im-
bres, per ignes; quas demerendo sibi
disciplinas determinaverit, quæ ignora-
tis, & deseritis, sed observantibus his
præmia destinarit, ut qui producto ævo
isto judicaturus sit suos cultores in vi-
ta æternæ retributionem, profanos in
ignem æque perpetem & jugem susci-
ratis omnibus ab initio defunctis, &
reformatis, & recensitis ad utriusque me-
riti disputationem. Hæc & nos risi-
mus aliquando. De vestris fuimus. Fi-
unt, non nascuntur Christiani. Quos
diximus prædicatores, Prophetæ de of-
ficio præfandi vocantur. Voces eorum,
itemque virtutes, quas ad finem divini-
tatis edebant, in thesauris literarum
manent, nec istæ nunc latent. Ptolema-
orum eruditissimus, quem Philadelphum
supernominant, & omnis literaturæ sa-
gacissimus, cum studio bibliothecarum

Pisistratum (opinor) æmularetur, inter cetera memoriarum, quibus aut vetustas, aut curiositas aliqua ad famam patrociniabatur, ex suggestu Demetrii Phalerei grammaticorum tunc probatissimi, cui præfecturam mandaverat, libros à Judæis quoque postulavit, proprias scilicet atque vernaculas literas, quas soli habebant: ex ipsis enim & ad ipsos semper prophetæ peroraverant, scilicet ad domesticam Dei gentem ex patrum gratia. Hebræi retro, qui nunc Judæi. Igitur & literæ Hebrææ, & eloquium. Sed ne notitia vacaret, hoc quoque Ptolemæo à Judæis subscriptum est, septuaginta & duobus interpretibus indultis: quos Menedæmus quoque Philosophus providentiæ vindex de sententiæ communione suspexit. Affirmavit hæc vobis etiam Aristæas. Ita in græcum styllum ex aperto monumenta reliquit. Hodie apud Serapæum Ptolemæi bibliothecæ cum ipsis Hebraicis literis exhibentur. Sed & Judæi palam lætitant. Vestigialis libertas vulgo aditur sabbatis omnibus; qui audierit, inveniet Deum: qui etiam induerit intelligere, cogetur & credere.

CAP. XIX.

Quod antiquitas Scripturarum possit ex Mosis aetate, & supputatione temporum facile probari.

Primam instrumentis istis auctoritatem summa antiquitas vindicat. apud vos quoque religionis est instar, fidem de temporibus asserere. Omnes itaque substantias, omnesque materias, origines, ordines, venas veterum cuiusque styli vestri, gentes etiam plerasque, & urbes insignes, historiarum causas & memoriarum, ipsas denique effigies literarum indices, custodesque rerum, & (puto adhuc minus dicimus) ipsos inquam Deos vestros, ipsa templa, & oracula, & sacra, unius interim prophetae scrinium seculis vincit, in quo videtur thesaurus collocatus totius Iudaici sacramenti, & inde etiam nostri. Si quem audistis interim Moysen, Argivo Inacho pariter aetate est. Quadringentis pene annis, nam & septem minus, Danaum & ipsum apud vos vetustissimum praevenit; mille circiter cladem Priami antecedit. Possem etiam dicere quingentis amplius & Homerum, habens quos sequar, Ceteri quoque prophetae, etsi Moyse postulant, extremissimi tamen.

tamen eorum non retrofiores deprehenduntur primoribus vestris sapientibus & legiferis, & historicis. Hæc quibus ordinibus probari possint, non tam difficile est nobis exponere, quam enorme; nec arduum, sed interim longum. Multis instrumentis, cum digitorum supputariis gesticulis assidendum est. Reseranda antiquissimarum etiam gentium archiva, Ægyptiorum, Chaldæorum, Phœnicum, advocandi eorum municipes, per quos notitia subministrata est, aliqui, Manethon Ægyptius, & Berosus Chaldæus, sed & Hieronymus Phœnix Tyri rex, sectatores quoque eorum Mendesium Ptolemæus, & Menander Ephesus, & Demetrius Phalereus, & rex Juba, & Appion, & Thallus, & qui istos aut probat, aut revincit, Judæus Josephus antiquitatum Judaicarum vernaculus vindex. Græcorum etiam censuales conferendi, & quæ quando sint gesta, ut concatenationes temporum aperiantur, per quæ luceant annalium numeri. Peregrinandum est in historias, & literas orbis. Et tamen quasi partem jam probationis intulimus, cum per quæ probari possint, aspersimus. Verum differre præstat, ne vel minus persequamur festinando, vel diutius evagemur persequendo.

CAP. XX.

De maiestate & divinitate Scripturarum ex rerum eventu, quas prædicunt.

PLus jam offerimus pro ista dilatione, maiestatem scripturarum, si non vetustatem, divinas probamus, si dubitatur antiquas. Nec hoc tardius, aut aliunde discendum: coram sunt quæ docebunt, Mundus, & Seculum, & Exitus. Quicquid agitur, prænunciabatur. Quicquid videtur, audiebatur. Quod terræ vorant urbes, quod insulas mariæ fraudant, quod externa, atque interna bella dilanant, quod regnis regna compulsiunt, quod fames, & lues, & locales quæque clades, & frequentia plerunque mortium vastant, quod humiles sublimitate, sublimes humilitate mutantur, quod iustitia rarefcit, & iniquitas increbrescit, bonarum omnium disciplinarum cura torpescit, quod etiam officia temporum, & elementorum munia exorbitant, quod & monstris, & portentis naturalium forma turbatur, providenter scripta sunt. Dum patimur, leguntur, dum recognoscimus, probantur. Idoneum (opinor) testimonium divinitatis, veritas divinationis. Hinc i-

gitur apud nos futurorum quoque fides
tuta est jam scilicet probatorum, quia
cum illis, quae quotidie probantur,
praedicebantur. Eadem voces sonant,
eadem literae notant, idem spiritus pul-
sat, unum tempus est divinationi futu-
ra praesenti apud homines, si forte di-
stinguatur, dum expungitur, dum ex
futuro praesens, dehinc ex praesenti pra-
teritum deputatur. Quid delinqui-
mus (oro vos) futura quoque creden-
tes, qui jam didicimus illis per duos
gradus credere?

C.A.P. XXI.

De Christo Domino.

SED quoniam edidimus antiquissimis
Judaeorum instrumentis sectam istam
esse suffultam, quam aliquando novel-
lam, ut Tiberii temporibus plerique sci-
unt profitentibus nobis quoque; for-
tassean hoc nomine de statu ejus retra-
ctetur, quasi sub umbraculo insignissi-
mae religionis, certe licitae, aliquid pro-
priae praesumptionis abscondat, vel quia
praeter aetatem neque de vitiis excep-
tionibus, neque de solemnitatibus die-
rum, neque de ipso signaculo corpo-
ris, neque de consortio nominis cum
Judaeis agimus, quod utique oporteret

si eidem Deo manciparemur. Sed & vulgus jam scit Christum, ut aliquem hominum, qualem Judæi judicaverunt, quo facilius quis nos hominis cultores existimaverit. Verum neque de Christo erubescimus, cum sub nomine ejus deputari, & damnari juvat, neque de Deo aliter præsumimus. Necessè est igitur pauca de Christo, ut de Deo totum. Judæis erat apud Deum gratia, ubi & insignis justitia, & fides originalium auctorum, unde illis & generis magnitudo, & regni sublimitas floruit, & tanta felicitas, ut Dei vocibus, quibus edocebantur, de promerendo Deo, & non offendendo præmonerentur. Sed quanta dereliquerint fiducia patrum inflati ad declinandum derivantes, à disciplina in profanum modum, etsi ipsi non confiterentur, probaret exitus hodiernus ipsorum. Dispersi, palabundi, & coeli & soli sui extorres vagantur per orbem sine homine, sine Deo rege, quibus nec advenarum jure terram patriam saltem vestigio salutare conceditur. Cum hæc illis sanctæ voces præminarentur, eadem semper omnes ingerebant fore, uti sub extimis curricularis seculi, ex omni jam gente, & populo, & loco cultores sibi allegaret Deus mul-

to fideiores, in quos gratiam transferret pleniorẽ quidẽ ob disciplinæ authoris capacitatem. Venit igitur, qui ad reformandam, & illuminandam eam venturus à Deo prænuntiabatur Christus ille filius Dei. Hujus igitur gratiæ, disciplinæque arbiter, & magister, illuminator, atque deductor generis humani filius Dei annuntiabatur, non quidẽ ita genitus, ut erubescat in filii nomine, aut de patris semine. non de sororis incesto, nec de stupro filiæ, aut conjugis alienæ Deum patrem passus est, squamatum, aut cornutum, aut plumatum amatorem in auro conversum Danaidis. Jovis ista sunt & numina vestra. Cæterum Dei filius nullam de impudicitia habet matrem. Etiam quam videtur habere, non nupserat. Sed prius substantiam edisseram, & ita nativitatẽ qualitas intelligitur. Jam ediximus Deum universitatẽ hanc mundi verbo, & ratione, & virtute molitum. Apud vestros quoque sapientes *ἀόσῳ*, id est, sermonem, atque rationem constat artificem videri universitatis. Hunc enim Zenon determinat factitorem, qui eundẽ in dispositione formaverit. eundẽ & fatum vocari, & Deum, & animum Jovis, & necessitatẽ omnium rerum.

rerum. Hæc Cleanthes in spiritum congerit, quem permeatorem universitatis affirmat. Et nos etiam sermoni, atque rationi, itemque virtuti, per quæ omnia molitum Deum ediximus, propriam substantiam spiritum inscribimus, cui & sermo insit pronuntianti, & ratio adsit disponenti, & virtus præsit perficienti. Hunc ex Deo prolatum didicimus, & prolatione generatum, & idcirco filium, & Deum dictum ex unitate substantiæ. Nam & Deus spiritus. Etiam cum radius ex Sole porrigitur, portio ex summa; sed Sol erit in radio, quia Solis est radius, nec separatur substantia, sed extenditur. Ita de spiritu spiritus, & de Deo Deus. Ut lumen de lumine accensum, manet integra, & indefecta materiæ matrix, etsi plures inde traduces qualitatum mutueris. Ita & quod de Deo profectum est, Deus est, & Dei filius, & unus ambo. Ita de spiritu spiritus, & de Deo Deus modulo alternum numerum gradu non statu fecit, & à matrice non recessit, sed excessit. Iste igitur Dei radius, ut retro semper prædicabatur, delapsus in Virginem quandam, & in utero ejus caro figuratus nascitur homo Deo mistus. Caro spiritui instructa nutritur, adolescit, affatur, docet,

cer, operatur, & Christus est. Recipite interim hanc fabulam, similis est vestris, dum ostendimus quomodo Christus probetur, & qui penes vos ejusmodi fabulas æmulas ad destructionem veritatis istiusmodi præministraverint. Sciebant & Judæi venturum esse Christum, scilicet quibus prophetæ loquebantur. Nam & nunc adventum ejus expectant, nec alia magis inter nos, & illos compulatio est, quam quod jam venisse non credunt. Duobus enim adventibus ejus significatis; primo, qui jam expunctus est in humilitate conditionis humanæ; secundo, qui concludendo sæculo imminet in sublimitate divinitatis exerte, primum non intelligendo, secundum, quem manifestius prædicatum sperant, unum existimaverunt. Ne enim intelligerent pristinum, credituri, si intellexissent, & consecuturi salutem, si credidissent, meritum fuit delictum eorum. Ipsi legunt ita scriptum, mul-
tatos se sapientia, & intelligentia, & oculorum, & aurium fruge. Quem igitur solum hominem modo præsumpe-
rant de humilitate, sequebatur uti magnum æstimarent de potestate, cum ille verbo dæmonia de hominibus excrete-
ret, cæcos reluminaret, leprosos purga-
ret,

ret, paralyticos restringeret, mortuos
denique verbo redderet vitæ, elemen-
ta ipsa famularet, compescens procellas,
& freta ingrediens, ostendens se esse
verbum Dei, id est *λογον*, illud pri-
mordiale primogenitum virtute, & ra-
tione comitatum, & spiritu instructum,
eundem, qui verbo omnia & faceret, &
fecisset. Ad doctrinam vero ejus quia
revincebantur magistri, primoresque
Judæorum, ita exasperabantur, maxi-
mè quod ad eum ingens multitudo de-
flecteret, ut postremo oblatum Pontio Pi-
lato, Syriam tunc ex parte Romana pro-
curanti, violentiæ suffragiorum in cru-
cem Jesum dedi sibi extorserint. Præ-
dixerat & ipse ita facturos. Parum
hoc, si non & propheta retro etiam.
Tamen suffixus multa mortis illius pro-
pria ostendit insignia. Nam spiri-
tum cum verbo sponte dimisit præven-
to carnificis officio. Eodem momento
dies medium orbem signante Sole sub-
ducta est. Deliquium utique purave-
runt, qui id quoque super Christo præ-
dicatum non scierunt, & tamen cum mun-
di casum relatum in archivis vestris ha-
betis. Tunc Judæi detractum, & se-
pulchro conditum magna etiam milita-
ri manu custodiæ diligentiâ circumsede-
runt,

runt, ne quia prædixerat tertia die resurrectorum se à morte, discipuli furto amoliti cadaver fallerent suspectos. Sed ecce die tertia concussa repente terra, & mole revoluta, quæ obstruxerat sepulchrum, & custodia pavore disiecta, nullis apparentibus discipulis, nihil in sepulchro repertum est, præterquam exuvie sepulti. Nihilominus tamen primores, quorum intererat & scelus divulgare, & populum vectigalem, & famularem sibi à fide revocare, surreptum à discipulis jactitaverunt. Nam nec ille se in vulgus eduxit, ne impii errore liberarentur, ut & fides non mediocri præmio destinata difficultate constaret. Cum discipulis autem quibusdam apud Galileam Judææ regionem ad XL. dies egit, docens eos quæ docerent. Dehinc ordinatis eis ad officium prædicandi per orbem circumfusa nube in coelum est receptus, multo melius quam apud vos asseverare de Romulo Proculi solent. Ea omnia super Christo Pilatus, & ipse jam pro sua conscientia Christianus Cæsari tunc Tiberio nuntiavit. Sed & Cæsares credidissent super Christo, si aut Cæsares non essent seculo necessarii, aut si & Christiani potuissent esse Cæsares. Discipuli quoque diffusi
per

per orbem ex præcepto magistri Dei
paruerunt, qui & ipsi à Judæis insequen-
tibus multa perpassi, utique pro fiducia
veritatis libenter, Romæ postremo per
Neronis sævitiam sanguinem Christia-
num seminaverunt. Sed monstrabimus
vobis idoneos testes Christi, ipsos illos,
quos adoratis. multum est, si eos ad-
hibeam, ut credatis Christianis, propter
quos non creditis Christianis. Interim
hic est ordo nostræ institutionis. Hunc
edidimus & sectæ, & nominis censum
cum suo authore. Nemo jam infami-
am incutiat, nemo aliud existimet, quia
nec fas est ulli de sua religione menti-
ri. Ex eo enim, quod aliud à se coli
dicit, quam colit, negat quod colit, &
culturam, & honorem in alterum transfert,
& transferendo jam non colit quod ne-
gavit. Dicimus, & palàm dicimus, &
vobis torquentibus. Lacerati, & cru-
enti vociferamur, Deum colimus per
Christum, illum hominem putate. Per
eum, & in eo se cognosci vult Deus,
& coli, ut Judæis respondeamus, & ip-
si Deum per hominem Moysen colere
didicerunt. Ut Græcis occurram, Or-
pheus Pieriæ, Musæus Athenis, Melam-
pus Argis, Trophonius Boeotiæ inicia-
tionibus homines obligaverunt. Ut ad
vos

vos quoque dominatores gentium aspiciam, homo fuit Pompilius Numa, qui Romanos operosissimis superstitionibus oneravit. Licuerit & Christo commentari divinitatem rem propriam, non qui rupices, & adhuc feros homines multitudinem tot numinum demerendorum attonitos efficiendo ad humanitatem temperaret, quod Numa: Sed qui jam expolitos, & ipsa urbanitate deceptos in agnitionem veritatis ocularet. Quærite ergo, si vera est ista divinitas Christi. Si ea est, qua cognita ad bonum quis reformatur, sequitur ut falsæ renuntiaretur, comperta in primis illa omni ratione, quæ delitescens sub nominibus, & imaginibus mortuorum, quibusdam signis, & miraculis & oraculis fidem divinitatis operatur.

CAP. XXII.

*De Daemonibus, eorumque viribus
& actionibus.*

ATque adeo dicimus esse substantias quasdam spirituales: nec nomen novum est. Sciunt daemones Philosophi Socrate ipso ad demonii arbitrium expectante. Quidni? cum & ipsi daemonium adhaesisse à pueritia dicatur.
Dehor.

Dehortatorium planè à bono omars-
ciunt poëte. Etiam vulgus indoctum
in usum maledicti frequentat. Nam &
Sathanam principem huius mali gene-
ris, proinde de propria conscientia ani-
ma eadem ex sacramenti voce promou-
tiat. Angelos quoque etiam Plato non
negavit; utriusque nominis testes esse,
vel magos asserunt. Sed quomodo de
angelis quibusdam sua sponte corrup-
tis corruptior gens demonum evaserit,
damnata à Deo cum generis auctori-
bus, & cum eo, quem diximus, prin-
cipe apud literas sanctas ordine cogno-
scitur. Nunc de operatione eorum fa-
tis erit exponere. Operatio eorum est
hominis everfio, sic malitia spiritalis à
primordio auspicata est in hominis exi-
tium. Itaque corporibus quidem &
valetudines infligunt, & aliquos casus a-
cerbos, animæ vero repentinos, & ex-
traordinarios per vim excessus. Suppe-
tit illis ad utramque substantiam hominis
adundam subtilitas, & tenuitas sua: mal-
tum spiritalibus viribus licet, ut invisibi-
les, & insensibiles in effectus potius
quam in actu suo appareant. Si poma,
si fruges nescio quod auræ latens virus
in flore præcipitat, in germine exanimat,
in pubertate convulnerat, ac si cæta ra-
tione

ratione reneatus ac pestilentes haustus sanguinis offundit. Eadem igitur obscuritate contagionis aspiratio demonum, & angelorum mentis quoque corruptelas agit furoribus, & amentis foedis, ac favis libidinibus cum erroribus variis, quorum iste potissimus, quod eos ipsos capis, & circumscriptis hominum mentibus commendat, ut & sibi pabula propria nidoris, & sanguinis procuret simulachris, imaginibus oblata. Et quæ illi accuratior pascua est, quam ut hominem è cogitatu veræ divinitatis avertat præstigiis falsis? quas & ipsas quomodo operetur, expediam. Omnis spiritus ales est. Hoc angeli, & demones. Igitur momento ubique sunt. Totus orbis illis locus unus est, quid ubi geratur tam facile sciunt quam enuntiant. Velocitas, divinitas creditur, quia substantia ignoratur. Sic & auctores interdum videri volunt eorum, quæ annuntiant. Et sunt planè malorum nonnunquam, bonorum tamen nunquam. Dispositiones etiam Dei, & tunc Prophetis concionantibus excerpunt, & nunc lectionibus resonantibus carpunt. Ita & hinc sumentes quasdam temporum fortes æmulantur divinitatem, dum suscipiunt divinationem. In oraculis autem quo

quò ingenio ambiguitates temperent in-
eventus, sciunt Croesi, sciunt Pythi.
Cæterum testudinem decoqui cum car-
nibus pecudis Pythius eo modo renun-
tiavit, quo supra diximus; momento
apud Lydiam fuerat. Habent de inco-
latu aeris, & de vicinia syderum, &
de commercio nubium coelestes sapere
paraturas, ut & pluvias, quas jam sen-
tiunt, repromittant; benefici plane &
circa curas valetudinum. Lædunt enim
primo, dehinc remedia præcipiunt, ad
miraculum nova, sive contraria, post
quæ desinunt lædere, & curasse credun-
tur. Quid ergo de cæteris ingeniis,
vel etiam viribus fallaciæ spiritualis e-
differam? Phantasmata Castorum, &
aquam cribro gestatam, & navem cin-
gulo promotam, & barbam tactu irru-
fatam; ut numina lapides crederentur,
& Deus verus non quæreretur.

C A P. XXIII.

*De phantasmatibus Magia, &
Dæmonibus.*

Porro si & magi phantasmata edunt,
& jam defunctorum inclamant ani-
mas, si pueros in eloquium oraculi e-
liciunt, si multa miracula circulatoriis
præstigiis

præstigiis ludunt, si & somnia immittunt, habentes semel invitorum angelorum, & demonum assistentem sibi potestatem, per quos & capræ, & mensæ divinare consueverunt; quanto magis ea potestas de suo arbitrio, & pro suo negotio studeat totis viribus operari, quod alienæ præstat negotiationi? aut si eadem & Angeli, & Dæmones operantur, quæ & dii vestri, ubi est ergo præcellentia divinitatis, quam utique superiorem omni potestate credendum est? non ergo dignius præsumeretur ipsos esse, qui se Deos faciant, cum eadem edant, quæ faciant Deos credi, quàm pares angelis, & dæmonibus, Deos esse? locorum differentia distinguitur (opinor) ut à templis deos existimeris, quos alibi deos non dicitis, ut aliter dementire videatur, qui sacras turres pervolat, aliter qui recta viciniam transilit, & alia vis pronuntietur in eo qui genitalia, vel lacertos, alia, qui sibi gulam prosequat. Compar exitus furoris, & una ratio est instigationis. Sed hæcenus verba, jam hinc demonstratio rei ipsius, quæ ostendamus unam esse utriusque nominis qualitatem. Edatur hic aliquis sub tribunalibus vestris, quem dæmone agi constet. Jussus à quolibet Christi-

Christiano loqui spiritus ille, tam se
demonem confitebitur de vero, quam a-
libi deum de falso. Æque producantur
aliquis ex iis, qui de Deo pari existi-
mantur, qui aris inhalantes numen de
nidore concipiunt, qui ructando curan-
tur, qui anhelando profantur. Ista ipsa
virgo coelestis pluviarum pollicitatrix,
ille ipse Æsculapius medicinarum de-
monstrator, alias demorituris socordi &
denati, & asclepiadoti sumministrator,
nisi se demones confessi fuerint, Chri-
stiano mentiri non audentes, ibidem illius
Christiani procacissimi sanguinem fun-
dite. Quid isto opere manifestius?
quid hac probatione fidelius? simplici-
tas veritatis in medio est. Virtus illi
sua affistit. Nihil suspicari licebit magia,
aut aliqua ejusmodi fallacia fieri, dictis
non stetis, si oculi vestri, & aures per-
miserint vobis. Quid autem inniti po-
test adversus id, quod ostenditur nuda
sinceritate? si altera parte vere Dei
sunt, cur sese demonia mentiuntur? an
ut nobis obsequantur? Jam ergo subje-
cta Christianis divinitas vestra. Nec di-
vinitas deputanda est, quæ subdita est
homini, & si quid ad dedecus facit, ar-
mulis suis. Si altera parte demones sunt,
vel angeli, cur se alibi pro diis agere
respon-

respondent? Nam sicut illi, qui dii habentur, daemones se dicere noluisse, si vere dii essent, scilicet ne de maiestate se deponerent: Ita & isti, quos directo daemones nostis, non audent alibi pro diis agere, si aliqui omnino dii essent quorum nominibus utuntur. Verebantur enim abuti maiestate superiore sine dubio, & timendorum. Ideo nulla est divinitas ista, quam tenetis, quia si esset, neque à daemoniis affectaretur in confessione, neque à diis negaretur. Cum ergo utraque pars concurrat in confessionem Deos esse negans, agnoscite unum genus esse, id est daemones. Verum utrobique jam Deos quaerite. quos enim praesumpseratis, daemones esse cognoscitis. Eadem vero opera nostra ab eisdem diis vestris non tantum hoc detegentibus, quod neque ipsi dii sint, neque ulli alii, etiam illud incontinenti cognoscitis, qui sit vere Deus, & an ille, & an unicus, quem Christiani profiteremur. & an ita credendus, colendusque, ut fides, ut disciplina disposita est Christianorum. Dicent ibidem, ecquis ille Christus cum sua fabula? Si homo communis conditionis, si magus, si post mortem de sepulchro à discipulis surreptus, si nunc denique penes inferos, si

fi non in coelis potius, & inde venturus cum totius mundi motu, cum horrore orbis, cum planctu omnium, sed non Christianorum, ut Dei virtus, & Dei spiritus, & sermo, & sapientia, & ratio, & Dei filius. Quodcumque rideatis, rideant & illi vobiscum, negent Christum omnem ab ævo animam restituto corpore judicaturum; dicant hoc pro tribunali, si forte Minoën, & Radamanthum secundum consensum Platonis, & poetarum hoc esse sortitos, suæ saltem ignominiz, & damnationis notam refutent. Renuntient se immundos spiritus esse, quod vel ex pabulis eorum, sanguine, & fumo, & putidis rogis pecorum, & impuratissimis linguis ipsorum vatium intelligi debuit. Renuntiant ob malitiam prædamnatos se in eundem iudicii diem cum omnibus cultoribus, & operatoribus suis. Atqui omnis hæc nostra in illos dominatio, & potestas de nominatione Christi valet, & de commemoratione eorum, quæ sibi à Deo per arbitrum Christum imminetia expectant. Christum timentes in Deo, & Deum in Christo, subjiciuntur servis Dei, & Christi. Ita de contactu, deque afflatu nostro contemplatione, & representatione ignis illius cor-

repti etiam de corporibus nostro imperio excedunt inviti, & dolentes, & vobis præsentibus erubescences. Credite illis, cum de se loquuntur, qui mentientibus creditis; nemo ad suum dedecus mentitur, quin potius ad honorem: magis fides prona est adversus semetipfos confitentes, quam pro semetipsis negantes. Hæc denique testimonia Deorum vestrorum Christianos facere consueverunt, quia plurimum illis credendo, in Christo domino credimus. Ipsi literarum nostrarum fidem accendunt, Ipsi spei nostræ fidentiam ædificant. Cohitis illos, quod sciam, etiam de sanguine Christianorum; nollent itaque vos, tam fructuosos, tam officiosos sibi amittere, vel ne à vobis quandoque Christianis fugentur, si illis sub Christiano volente vobis veritatem probare, mentiri liceret.

CAP. XXIV.

Quod Christiani non incurrant crimen læsæ religionis; sed ipsi potius, qui Deos colunt longè diversos.

Omnis ista confessio illorum, qua se deos negant esse, quaque non alium Deum respondent præter unum, cui

cui nos mancipamur, satis idonea est ad depellendum crimen læsæ maxime Romanæ religionis. Si enim non sunt Dei pro certo, nec religio pro certo est. Si religio non est, nec pro certo rei sumus læsæ religionis. At è contrario in vos exprobratio resultavit, qui mendacium colentes veram religionem veri Dei non modo negligendo, quin insuper expugnando Deum verum, committitis crimen veræ irreligiositatis. Nam ut constaret illos deos esse, nonne conceditis de æstimatione communi aliquem esse sublimiorem, & potentiorum, velut principem mundi perfectæ peritiæ, & maiestatis? nam & sic plerique disponunt divinitatem, ut imperium summæ dominationis esse penes unum, officia ejus penes multos velint, ut Plato Jovem magnum in cœlo cômîtatum exercitum describit deorum pariter, & dæmonum. Itaque oportere & procurantes, & præfectos, & præfides pariter suspici. Et tamen quod facinus admittit qui magis ad Cæsarem promerendum & operam, & spem suam transfert, nec appellationem Dei, ita ut Imperatoris in aliquem principem conficitur, cum capitale esse judicetur aliud præter Cæsarem & dicere, & audire? Colat

alius Deum, alius Jovem, alius ad coelum supplices manus tendat, alius ad aram Fidei, alius, si hoc putatis, nubes numeret orans, alius lacunaria, alius suam animam Deo suo voveat, alius hirci. Videte enim, ne & hoc ad irreligiositatis elogium concurrat, adimere libertatem religionis, & interdicare optionem divinitatis, ut non liceat mihi colere quem velim, sed cogar colere, quem nolim.* Nemo se ab invito coli vellet, ne homo quidem, atque ideo & Ægyptiis permissa est tam vanæ superstitionis potestas, avibus, & bestiis consecrandis, & capite damnandis, qui aliquem hujusmodi Deum occiderit. Unicuique etiam provinciarum, & civitatis suus Deus est, ut Syriæ Astartes, ut Arabiæ Disares, ut Norici Belenus, ut Africæ Coelestis, ut Mauritaniarum Reguli sui. Romanas (ut opinor) provincias edidi, nec tamen Romanos deos earum, quia Romæ non magis coluntur, quàm qui per ipsam quoque Italiam municipali consecratione censentur, Crustuminiensium Belventinus, Narniensium Viridianus, Æsculanorum Ancaria, Volturnensium Nursia, Oriculanorum Valentia, Sutrinorum Nortia, Faliscorum in honore est pater Curis, unde accepit
sogno-

cognomen Juno. Sed nos soli arcemur à religionis proprietate. Lædimus Romanos, nec Romani habemur, quia non Romanorum Deum colimus. Bene quod omnium Deus est, cujus velimus, aut nolimus omnes sumus. Sed apud vos quodvis colere jus est, præter Deum verum. quasi non hic magis omnium sit Deus, cujus omnes sumus.

CAP. XXV.

Quòd magna fuit præsumptio Romanorum, credentium ob religionem Deorum suorum, se imperium mundi occupasse.

Satis mihi quidem videor probasse de falsa, & vera divinitate, cum demonstravi, quemadmodum probatio consistat, non modo disputationibus, nec argumentationibus, sed ipsorum etiam testimoniis, quos Deos creditis, ut nihil jam ad hanc causam sit retractandum. Quoniam tamen Romani nominis proprie mentio occurrit, non omit- tam congressionem, quam provocat illa præsumptio dicentium, Romanos pro merito religiositatis diligentissimæ in tantum sublimitatis elatos, ut orbem occuparint, & adeo Deos esse, ut præ-

ter ceteros floreat, qui illis officium
præter ceteros faciant. Scilicet ista mer-
ces Romanis à diis pro gratia expensa
est. Sterculius, & Mutunus, & Laren-
tina provexit imperium. Peregrinos e-
nim Deos non putem extraneæ genti ma-
gis fautum voluisse quàm suæ; & patri-
um solum, in quo nati, adulti, nobili-
tati, sepulchrique sunt, transfretanis de-
disse. Viderit Cybele, si urbem Roma-
nam, ut memoriam Trojani generis ada-
mavit, vernaculi sui scilicet adversus A-
chivorum arma protecti, si ad ultores
transire prospexit, quos sciebat Græciam
Phrygiæ debellatricem subacturos. Ita-
que majestatis suæ in urbem collatæ
grande documentum nostra etiam ætate
proposuit cum M. Aurelio apud Syr-
mum reip. exempto die XVI. Calenda-
rum Aprilium, Archigallus ille sanctissi-
mus die IX. Calend. earundem, quo
sanguinem impurum lacertos quoque ca-
strando libabat, pro salute Imperatoris
Marci jam intercepti solita æque imperia
mandavit. O nuntios tardos, ô somni-
culosa diplomata, quorum vitio exces-
sum Imperatoris non ante Cybele cog-
novit, ne deam talem riderent Christia-
ni. Sed non statim, & Jupiter Cretam
suam Romanis fascibus concuti fineret,
oblitus

obliuſus antrum illud Idæum & æra Co-
rybantia, & iucundiſſimum illic nutricis
ſuæ odorem. Nonne omni Capitolio
tumulum ſuum præpoſuiſſet, ut ea poti-
us orbi terræ præcelleret, quæ cineres
Jovis texit? vellet Juno Punicam ur-
bem poſthabita Samo dilectam ab Æne-
adarum utique genere deleri? quod
ſciam,

----*Hic illius arma,*

*Hic curruſ fuit; hoc regnum dea gentibus eſſe,
Si qua fata ſnant, jam tum tenditq; ſouetque.*

*Miſera illa conjux Jovis, & ſoror adver-
ſus fata non valuit, planè*

Fato ſtat Jupiter eſſe.

Nec tantum tamen honoris Romani di-
caverunt fatiſ deditiſ ſibi Carthagi-
nem adverſus deſtinatum, votumque Ju-
noniſ, quantum proſtitutiſſimæ lupæ La-
rentinæ. Plures Deos veſtros regnaſſe
certum eſt. Igitur ſi conferendi impo-
rii tenent poteſtatem, cum ipſi regna-
rent, à quibus acceperant eam grati-
am? quem coluerat Saturnuſ, & Jupi-
ter? aliquem, opinor, Sterculiũ, ſed
Romæ poſtea cum indigeniſ. Etiam

fiqui non regnarunt, tamen regnabatur ab aliis nondum cultoribus suis, ut qui nondum dii habebantur. Ergo aliorum est regnum dare, quia regnabatur multo ante, quam isti dii inciderentur. Sed quam vanum est fastigium Romani nominis religiositatis meritis deputare, cum post imperium, sive adhuc regnum religio profecerit. Age jam rebus religio profecerit. Nam etsi à Numa concepra est curiositas superstitiosa, nondum tamen aut simulachris, aut templis res divina apud Romanos constabat, frugi religio, & pauperes ritus, & nulla Capitolia certantia coelo, sed temeraria de cespice altaria & vasa adhuc Samia, & nidor ex illis, & Deus ipse nusquam. Nondum enim tunc ingenia Græcorum, atque Tuscorum fingendis simulachris urbem inundaverant. Ergo non ante religiosi Romani quam magni. Ideoque non ob hoc magni, quia religiosi. Atqui quomodo ob religionem magni, quibus magnitudo de irreligiositate provenit? ni fallor enim omne regnum, vel imperium bellis quæritur, & victoriis propagatur. Porro bella & victoriæ, captis & eversis plurimum urbibus constant. Id negotium sine Deorum injuria non est. Eadem strages moenium,
&

& templorum, pares cædes civium, & sacerdotum, nec dissimiles rapinæ sacrarum divitiarum, & profanarum. Tot igitur sacrilegia Romanorum, quot trophæa. Tot de Diis, quot de gentibus triumphii. Tot manubiæ, quot manent adhuc simulachra captivorum Deorum. Et ab hostibus ergo suis sustinent adorari, & illis imperium sine fine decernunt, quorum magis injurias, quam adulationes remunerasse debuerant. Sed qui nihil sentiunt, tam impunè læduntur, quàm frustra coluntur. Certe non potest fidei convenire, ut religionis meritis excrevisse videantur, qui, ut suggestimus, religionem aut lædendo creverunt, aut crescendo læserunt. Etiam illi, quorum regna conflata sunt in imperii Romani summam, cum ea amitterent, sine religionibus non fuerunt.

CAP. XXVI.

Quòd solus Deus, cujus est orbis terrarum, regna contulit.

Videte igitur ne ille regna dispenseret, cujus est & orbis, qui regnatur, & homo ipse, qui regnat. ne ille vices dominationum ipsis temporibus in seculo ordinaverit, qui ante omne tem-

pus fuit, & seculum corpus temporum fecit. Ne ille civitates extollat, aut deprimat, sub quo fuit aliquando sine civitatibus genus hominum. Quid erratis? prior est quibusdam diis suis sylvestris Roma. ante regnavit, quàm tantum ambitum capitolii extenderetur. Regnaverunt & Babylonii ante Pontifices, & Medi ante Quindecim viros, & Aegyptii ante Salios, & Assyrii ante Lupercos, & Amazones ante Virgines Vestales. Postremo si Romanae religiones regna praestant, nunquam retro Iudaea regnasset despectrix communium istarum divinitatum, cujus & Deum victimis, & templum donis, & gentem foederibus aliquandiu Romam honorastis, nunquam dominaturi ejus, si Deo non deliquisset, ultimo in Christum.

CAP. XXVII.

Quòd daemones incitant contra Christianos, gentes; quia licet subjiciantur illis, sunt tamen servi contumaces.

Satis hæc adversus intentionem Iasæ divinitatis, quod non videamur ledere eam, quam ostendimus non esse. Igitur provocati ad sacrificandum obstruimus

firmimus gradum pro fide conscientie nostræ, qua certi sumus, ad quos ista perveniant officia, sub imaginum prostitutione, & humanorum nominum consecratione. Sed quidam dementiam existimant, quod cum possimus & sacrificare in presenti, & illarum abire manente apud animum proposito, obstinationem saluti præferamus. Datis scilicet consilium, quo vobis abutamur, sed agnoscimus unde talia suggerantur, quis totum hoc agitet, & quomodo nunc astutia suadendi, nunc duritia sæviendi ad constantiam nostram dejiciendam operetur. Ille scilicet spiritus dæmoniacæ, & angelicæ paraturæ, qui noster ob divortium æmulus, & ob Dei gratiam invidus, de mentibus vestris adversus nos præliatur, occulta inspiratione modulatis, & subornatis ad omnem, quam in primordio exorsum sumus, & judicandi perversitatem, & sæviendi iniquitatem. Nam licet subjecta sit nobis rota vis dæmonum, & ejusmodi spiritus, ut nequam tamen servi metui nonnumquam contumaciam miscere, & ledere gestiunt, quos alias vereatur, odium enim etiam timor spirat. Præterquam & desperata conditio eorum ex prædamnatione, solatium reputat fruen-

da

dz interim malignitatis de poenæ mora. Et tamen apprehensi subiguntur, & conditioni suæ succidunt, & quos de longinquo oppugnant, de proximo obsecrant. Itaque cum vice rebellantium ergastulorum, sive carcerum, vel metallorum, vel hoc genus pœnalis servitutis erumpunt adversum nos, in quorum potestate sunt, certi impares se esse, & hoc magis perditos, ingratis resistimus ut æquales, & repugnamus perseverantes in eo, quod oppugnant, & illos nunquam magis detriumphamus, quam cum pro fidei obstinatione damnamur.

C A P. XXVIII.

Quòd gentes propriam religionem parvi pendant, timentes magis Imperatorem, quàm Jovem.

QUoniam autem facile iniquum videretur liberos homines invitos urgeri ad sacrificandum, (Nam & aliàs divinæ rei faciendæ libens animus indicitur,) certe ineptum existimaretur, si quis ab alio cogeretur ad honorem deorum, quos ultro sui causa placare deberet, ne præ manu esset jure libertatis dicere, nolo mihi Jovem propiti-
tium.

tium. Tu quies? me conveniat Janus iratus ex qua velit fronte. Quid tibi mecum est? Formati estis ab iisdem utique spiritibus, ut nos pro salute Imperatoris sacrificare cogatis. Et imposita est tam vobis necessitas cogendi, quam nobis obligatio periclitandi. Ventum est igitur ad secundum titulum læsæ augustioris majestatis. Siquidem majore formidine, & callidior timiditate Cæsarem observatis, quam ipsum de Olympo Jovem, & merito fisciatis. Quis enim ex viventibus non quilibet mortuo potior? Sed nec hoc vos ratione facitis, potius quam respectu repræsentanz potestatis. Adeo & in isto irreligiosi erga Deos vestros deprehendimini, cum plus timoris humano dominio dicatis. Citius denique apud vos per omnes deos, quam per unum genium Cæsaris perjeratur.

C A P. XXIX.

Dii nec Cæsarem, nec alium juvare possunt: quare meritò Cæsar magis honorandus, quàm illi.

Constet igitur prius, si isti, quibus sacrificatur, salutem imperatoribus, vel cuilibet homini impetiri possunt & ita.

ita nos crimini addicite. Si Angeli, aut Dæmones substantia pessimi spiritus, beneficium aliquod operantur, si perditum conservant, si damnati liberant, si denique, quod in conscientia vestra est, mortui vivos tuentur, jam utique suas primo statuas, & imagines, & ædes tuerentur, quæ (ut opinor) Cæsarum milites excubiis suis salva præstant. Puto autem hæ ipsæ materiæ de metallis Cæsarum veniunt, & tota templa denique Cæsaris constant. Multi denique dii habuerunt Cæsarem iratum. Facit ad causam, si & propitius illis aliquid liberalitatis, aut privilegii confert. Ita qui sunt in Cæsaris potestate, cujus & toti sunt, quomodo habebunt salutem Cæsaris in potestate, ut eam præstare posse videamur, quam facilius ipsi à Cæsare consequuntur? Ideo ergo committimus in majestatem Imperatorum, quia illos non subjicimus rebus suis? quia non ludimus de officio salutis eorum qui eam non putamus in manibus esse plumbatis? Sed vos religiosi, qui eam queritis ubi non est, petitis, à quibus dari non potest, præterito eo, in cuius est potestate. Insuper eos debellatis, qui eam sciunt perere, qui etiam possint impetrare, dum sciunt petere.

CAP. XXX.

Imperatores à Deo esse, quorum salutem Christiani à Deo vero supplices petant, qui eam dare est solitus.

NOS enim pro salute Imperatorum Deum invocamus æternum, Deum verum, Deum vivum, quem & ipsi Imperatores propitium sibi præter cæteros malunt. Sciunt quis illis dederit imperium; sciunt qua homines, quis & animam. Sentiunt eum Deum esse solum, in cuius solius potestate sunt, à quo sunt secundi, post quem primi, ante omnes, & super omnes Deos. Quidni? cum super omnes homines, qui utrique vivunt, & mortuis antistant; recogitant quousque vires imperii sui valeant, & ita Deum intelligunt, adversus quem valere non possunt; per eum valere se cognoscunt. Cœlum denique debellet Imperator, cœlum captivum triumpho suo invehat, cœlo mittat excubias, cœlo vestigalia imponat. Non potest, ideo magnus est, quia cœlo minor est. Illius enim est ipse, cuius & cœlum est, & omnis creatura. Inde est Imperator, unde & homo antequam
Im-

Imperator, inde potestas illi, unde & spiritus. Illuc suspicientes Christiani manibus expansis, quia introcuis; capite nudo, quia non erubescimus; denique sine monitore, quia de pectore oramus, precantes sumus omnes semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, & quaecumque hominis, & Caesaris vota sunt. Hæc ab alio orare non possum, quàm à quo scio me consequuturum, quoniam & ipse est, qui solus præstat, & ego sum, cui impetrare debetur; famulus ejus, qui eum solum observo, qui ei offero opimam, & majorem hostiam, quam ipse mandavit, orationem de carne pudica, de anima innocenti, de spiritu sancto profectam. Non grana thuris unius assis, non Arabicæ arboris lachrymas, nec duas meri guttas, nec sanguinem reprobæ bovis mori optantis, & post omnia inquinamenta, etiam conscientiam spurcam, ut mirer, cum hostiæ probantur penes vos à viciosissimis sacerdotibus, cur præcordia potius victimarum, quam ipsorum sacrificantium examinantur. Sic itaque nos ad Deum expansos ungulæ fodiant, cruces

cruces suspendant, ignes lambant, gladii guttura detruncant, bestiae infiliant, paratus est ad omne supplicium ipse habitus orantis Christiani. Hoc agite boni praesides. Extorquete animam Deo supplicantem pro Imperatore. Hic erit crimen, ubi veritas & Dei devotio est.

CAP. XXXI.

De oratione pro inimicis, & Principibus.

ADulati nunc sumus Imperatori, & mentiti vota, quae diximus ad evadendam scilicet vim. Planè proficit ista fallacia. Admittitis enim nos probare quodcunque defendimus. Qui ergo putas nihil nos de salute Caesarum curare, inspicere Dei voces, literas nostras, quas neque ipsi supprimimus, & plerique casus ad extraneos transferunt. Scitote ex illis præceptum esse nobis ad redundantiam benignitatis, etiam pro inimicis Deum orare, & persecutoribus nostris bona precari. Qui magis inimici, & persecutores Christianorum, quam de quorum majestate convenimur in crimen? sed etiam nominatim, atque manifeste, orate, inquit, pro regibus, & pro principibus, & potestatibus, ut omnia

nia tranquilla sint. Vobiscum enim concutitur imperium concussis etiam cæteris membris ejus; utique & nos (licet extranei à turbis æstimemur) in aliquo loco casus invenimur.

C A P. XXXII.

Quamobrem Christiani orent pro Romano Imperatore, & jurent.

EST & alia major necessitas nobis orandi pro Imperatoribus, etiam pro omni statu imperii, rebusque Romanis, quod vim maximam universo orbi imminentem, ipsamque clausulam sæculi acerbitates horrendas comminantem, Romani Imperii commeatu scimus retardari. Itaque nolumus experiri, & dum precamur differri, Romanæ diurnitatis favemus. Sed & juramus, sicut non per Genios Cæsarum, ita per salutem eorum, quæ est augustior omnibus geniis. Nescitis genios dæmonas dici, & inde diminutiva voce dæmonia? Nos judicium Dei suspicimus in Imperatoribus, qui gentibus illos præfecit. Id in eis scimus esse, quod Deus voluit, & pro magno adjumento habemus. Cæterum dæmonas, id est genios adjurare consuevimus, ut illos de hominibus exigamus,
non

non dejerare, ut illis honorem divinitatis conferamus.

CAP. XXXIII.

Imperatorem hominem esse, non Deum.

SED quid ego amplius de religione, atque pietate Christiana in Imperatorem? quem necesse est suspiciamus, ut eum, quem Dominus noster elegit, ut merito dixerim, noster est magis Cæsar, ut à nostro Deo constitutus. Itaque ut meo plus ego illi operor in salutem. Siquidem non solum ab eo postulo, eam qui potest præstare, aut quod talis postulo, qui merear impetrare, sed etiam, quod temperans majestatem Cæsaris infra Deum, magis illum commendo Deo, cui soli subjicio. Subjicio autem cui non adæquo. Non enim Deum Imperatorem dicam, vel quia mentiri nescio, vel quia illum deridere non audeo, vel quia nec ipse se Deum volet dici, si homo sit. interest homini Deo cedere. Satis habeat appellari Imperator. Grande & hoc nomen est, quod à Deo traditur. Negat illum Imperatorem, qui Deum dicit. Nisi homo sit, non est Imperator. Hominem se esse

esse etiam triumphans in illo sublimissimo curru admonetur. Suggestitur enim ei à tergo, Respice post te, Hominem memento te. Et utique hoc magis gaudet, tanta se gloria coruscare, ut illi admonitio conditionis suæ sit necessaria. Minor erat, si tunc Deus diceretur, quia non vere diceretur. Major est, qui revocatur, ne se Deum existimet.

C A P. XXXIV.

Non dominum appellandum esse Imperatorem, nisi more communi; nunquam vero Deum.

Augustus Imperii formator ne dominum quidem dici se volebat. Et hoc enim Dei est cognomen. Dicam planè Imperatorem dominum, sed more communi; sed quando non cogor, ut dominum Dei vice dicam. Cæterum liber sum illi. Dominus enim meus unus est, Deus omnipotens, & æternus, idem qui & ipsius. Qui pater patriæ est, quomodo Dominus est? Sed & grätius nomen est pietatis quam potestatis, etiam familiæ magis patres, quam domini vocantur. Tanto abest, ut Imperator Deus debeat dici, quod non potest credi non modo turpissima, sed &

& pernicioſa adulatione. Tanquam ſi habens Imperatorem, alterum appelles, nonne maximam, & inexorabilem offenſam contrahes ejus, quem habuiſti, etiam ipſi timendam, quem appellaviſti? eſto religioſus in Deum, qui vis illum propitium Imperatori. Deſine alium Deum credere, atque ita & hunc Deum dicere, cui Deo opus eſt. Si non de mendacio erubeſcit adulatio, ejusmodi hominem Deum appellans, timeat ſaltem de inſauſto. Maledictum eſt ante apotheoſin Deum Cæſarem nuncupare.

CAP. XXXV.

Quòd Chriſtiani majores & veriores honores exhibent Imperatoribus, quàm Gentiles.

Propterea igitur publici hoſtes Chriſtiani, quia Imperatoribus neque vanos, neque mentientes, neque temerarios honores dicant, quia veræ religionis homines etiam ſolemnia eorum, conſcientia potius quàm laſcivia celebrant. Grande videlicet officium focos, & toros in publicum educere, viciatim epulari, civitatem tabernæ habitu aboleſcere, vino lutum cogere, catervatim curſi-

curſitate ad injurias, ad impudentias, ad libidinis illecebras. Siccine exprimitur publicum gaudium per publicum dedecus? Hæccine ſolennes dies principum decent, quæ alios dies non decent? qui obſervant diſciplinam de Cæſaris reſpectu, ii eam propter Cæſarem deſerunt? & malorum morum licentia pietas erit, occaſio luxuriæ religio deputabitur? O nos merito damnandos! cur enim vota, & gaudia Cæſarum caſti, & ſobrii, & probi expungimus? cur die læto non laureis poſtes obumbramus? nec lucernis diem infringimus? honeſta res eſt ſolemnitate publica exigente induere domui tuæ habitum alicujus novi lupanaris. Velim tamen in hac quoque religione ſecundæ majeſtatis, de qua in ſecundum ſacrilegium convenimur Chriſtiani, non celebrando vobiſcum ſolemnia Cæſarum, quo more celebrari, nec modeſtia, nec verecundia, nec pudicitia permittunt, ſed occaſio voluptatis magis, quàm digna ratio perſuaſit, fidem, & veritatem veſtram demonſtrare, ne forte & iſtic deteriores Chriſtianis deprehendantur, qui nos nolumus Romanos haberi, ſed hoſtes principum Romanorum. Ipſos Quirites, ipſam vernaculam ſeptem collium plebem
convenio,

convenio, an alicui Cæsari suo parcat illa lingua Romana? Testis est Tyberis, & scholæ bestiarum. Jam si pectoribus ad translucendum quandam specularem materiam natura obduxisset, cujus non præcordia insculpta apparerent novi ac novi Cæsaris scenam congiario dividendo præidentis? etiam illa hora qua adclamant,

De nostris annis tibi Jupiter augeat annos.

Hæc Christianus tam enuntiare non novit, quam de novo Cæsare optare. Sed vulgus, inquis, ut vulgus, tamen Romani, nec ulli magis depostulatores Christianorum quam vulgus. Planè cæteri ordines pro auctoritate religiosi ex fide, nihil hosticum de ipso senatu, de equite, de castris, de palatiis ipsis spirant. Unde Cassii, & Nigri, & Albini? unde qui inter duas lauros obsident Cæsarem? unde qui faucibus ejus exprimendis palæstricam exercent? unde qui armati palatium irrumpunt omnibus Stephanis, atq; Partheniis audaciores? de Romanis (nisi fallor) id est, de non Christianis. Atquæ deo omnes illi sub ipsa usque impietatis eruptione, & sacra faciebant pro salute Imperatoris, & Genium ejus dejerabant, alii foris, alii intus, & utique publicorum hostium

stium nomen Christianis dabant. Sed & qui nunc scelestorum partium socii, aut plausores quotidie revelantur, post vindemiam parricidarum facematio superstes, quam recentissimis, & ramosissimis laureis postes præstruebant? quam elatissimis, & clarissimis lucernis vestibula enubilabant? quam cultissimis, & superbissimis toris forum sibi dividebant? non ut gaudia publica celebrarent, sed ut vota propria jam ediscerent, & in aliena solemnitate exemplum, atque imaginem spei suæ inaugurarent, nomen principis in corde mutantes. Eadem officia dependunt & qui Astrologos, & Aruspices, & Augures, & Magos de Cæsarum capite consultant, quas artes ut ab angelis desertoribus proditas, & à Deo interdictas, ne suis quidem causis adhibent Christiani. Cui autem opus est perscrutari super Cæsaris salute, nisi à quo aliquid adversus illam cogitatur, vel optatur? aut post illam speratur, & sustinetur? non enim ea mente de charis consulitur, qua de dominis. Aliter curiosa est sollicitudo sanguinis, aliter servitutis.

CAP. XXXVI.

Tenentur Christiani diligere non solum Imperatorem, sed & omnes homines.

SI hæc ita sunt, ut hostes deprehendantur, qui Romani vocabantur, cur nos, qui hostes existimamur, Romani negamur? Non possumus & Romani non esse, & hostes esse, cum hostes reperiantur, qui Romani habebantur? adeo pietas, & religio, & fides Imperatoribus dedita non in huiusmodi officiis consistit, quibus & hostilitas magis ad velamentum sui potest fingi, sed in iis moribus, quibus divinitas imperat, tam vere, quam circa omnes necesse habet exhiberi. Neque enim hæc opera bonæ mentis solis Imperatoribus debentur à nobis. Nullum bonum sub exceptione personarum administramus, quia nobis præstamus, qui non ab homine, aut laudis, aut præmii expensum captamus, sed à Deo exactore & remuneratore indifferentis benignitatis. Eadem sumus Imperatoribus, qui & vicinis nostris. Male enim velle, male facere, male dicere, male cogitare de quoquam ex æquo vetamur. Quodcunque

E

non

non licet in Imperatorem, id nec in quemquam. Quod in neminem, eo forsitan magis, nec in ipsum, qui per Deum tantus est.

CAP. XXXVII.

Quod ad Christianos pertinet neminem ledere, quanquam pro multitudine possent se vindicare.

SI inimicos, ut supra diximus, jubemur diligere, quem habebimus odisse? Item si laesi vicem referre prohibemur, ne de facto pares simus, quem possumus ledere? Nam de isto ipsi recognoscite. Quoties enim in Christianos defecistis partim animis propriis, partim legibus obsequentes? Quoties etiam prateritis vobis, suo jure, nos inimicum vulgus invadit lapidibus, & incendiis? ipsi Bacchanalium furiis nec mortuis parcunt Christianis, quin illos de requie sepulture, de asylo quodam mortis, jam alios, jam nec totos avelant, dissecant, distrahant. Quid tamen de tam conspiratis unquam denotatis, de tam animatis ad mortem usque pro injuria repensatis? quando vel una nox pauculis faculis largitatem ultionis posset operari, si malum malo dispungi penes nos

not liceret. Sed absit, ut aut igni humano vindicetur divina secta, aut doleat pati, in quo probatur. Si enim hostes exertos, non tantum vindices occurrentes agere vellemus, deesset nobis vis numerorum & copiarum? Plures nimirum Mauri, & Marcomanni, ipsique Parthi, vel quancunque, unius tamen loci, & singulorum finium gentes, quam totius orbis. Hesterni sumus, & vestra omnia implevimus, urbes, insulas, castella, municipia, conciliabula, castra ipsa, tribus, decurias, palatium, legatum, forum. Sola vobis relinquimus templa. Cui bello non idonei, non prompti fuisset, etiam impares copiis, qui tam libenter trucidamus, si non apud istam disciplinam magis occidi liceret, quam occidere? Posuimus & inermes nec rebelles, sed tantummodo discordes, solius divortii invidia adversus vos dimicasse. Si enim tanta vis hominum in aliquem orbis remoti sinum abruptissemus a vobis, suffudisset utique dominationem vestram tot quaecunque amissio civium, immo etiam & ipsa desertione dimisset. Proculdubio expulseris ad solitudinem vestram, ad silentium rerum, & stuporem quendam quasi mortuæ urbis, quæissetis quibus

in ea imperassetis. Plures hostes, quam cives vobis remansissent. nunc enim pauciores hostes habetis præ multitudine Christianorum penè omnium civium, penè omnes cives Christianos habendo. Sed hostes maluistis vocare generis humani potius, quam erroris humani. Quis autem vos ab illis occultis, & usquequaque vastantibus mentes, & valentudines vestras hostibus raperet? A demoniorum incurribus dico, qui de vobis sine præmio, sine mercede depellimus. Suffecisset hoc solum nostræ ultioni, quod vacua exinde possessio immundis spiritibus pateret. Porro nec tanti præsidii compensationem cogitantes non modo non molestum vobis genus, verum etiam necessarium, hostes indicare maluistis, quia sumus planè non generis humani tamen, sed potius erroris.

CAP. XXXVIII.

Christianorum Sectam neque deputandam esse inter Factiones licitas.

PRoinde nec paulo lenius inter licitas factiones sectam istam deputari oportebat, à qua nihil tale committitur, quale de illicitis factionibus timeri solet. Nisi fallor enim prohibenda-

rum factionum causa de providentia constat modestæ publicæ, ne civitas in partes scinderetur, quæ res facile comitia, concilia, curias, conciones, spectacula, etiam æmulis studiorum compulsionibus inquireret, cum jam & in quæstui habere coepissent venalem, & mercenariam homines violentiæ suæ operam. At enim nobis ab omni gloriæ, & dignitatis ardore frigentibus nulla est necessitas coetus, nec ulla magis res aliena, quam publica. Unam omnes rempublicam cognoscimus mundum. Æque spectaculis vestris in tantum renuntiamus, in quantum originibus eorum, quas scimus de superstitione conceptas, cum & ipsis rebus, de quibus transiguntur, prætersumus. Nihil est nobis dictu, visu, auditu cum infamia circi, cum impudicitia theatri, cum atrocitate arenæ, cum xyssi vanitate. Quo vos offendimus, si alias præsumimus voluptates? Si oblectari novisse nolumus, nostra injuria est, si forte, non vestra. Sed reprobamus quæ placent vobis, nec vos nostra delectant. Sed licuit Epicureis aliquam decernere voluptatis veritatem, id est animi æquitatem, & ampla negotia.

CAP. XXXIX.

Disciplina Christianorum; ubi lucide & clare ponit omnia, quae & peragi solita sunt in Ecclesia.

Edam jam nunc ego ipse negotia Christianae factionis, ut qui mala refutaverim, bona ostendam. Corpus sumus de conscientia religionis, & disciplina unitate, & ipsi foedere. Commis in coetum, & congregationem, ut ad Deum quasi manu facta precationibus ambiamus orantes. Hac vis Deo grata est. Oramus etiam pro Imperatoribus, pro ministris eorum, ac potestatibus, pro statu saeculi, pro rerum quiete, pro mora finis. Commis ad Reterarum divinarum commemorationem, si quid praesentium temporum qualitas aut praemonere cogit, aut recognoscere. Certe fidem sanctis vocibus pascimus, spem erigimus, fiduciam figimus, disciplinam praeceptorum nihilominus incultationibus densamus. Ibidem etiam exhortationes, castigationes, & censura divina. Nam & judicatur magno cum pondere, ut apud certos de Dei conspectu; summumque futuri iudicii praedictum est, si quis ita deliquerit, ut

à communicatione orationis, & conventus, & omnis sancti commercii relegitur. Præsident probati quique seniores, honorem istum non pretio, sed testimonio adepti; neque enim pretio ulla res Dei constat. Etiam si quod arcae genus est, non de oneraria summa quasi redemptæ religionis congregatur. Modicam unusquisque stipem mensura die, vel cum velit, & si modo velit, & si modo possit, apponit. Nam nemo compellitur, sed sponte confert. Hæc quasi deposita pietatis sunt. Nam inde non epulis, nec potaculis, nec ingratis voratrinis dispensatur, sed egenis alendis, humandisque, & pueris, ac puellis re, ac parentibus destitutis, jamque domesticis senibus. Item naufragis, & si qui in metallis, & si qui in insulis, vel in custodijs dumtaxat ex causa Dei sectæ, alumni confessionis suæ sunt. Sed ejusmodi vel maxime dilectionis operatio notam nobis inurit penes quosdam. Vide, inquiunt, ut invicem se diligant. Ipsi enim invicem oderunt. & ut pro alterutro mori sint parati. Ipsi enim ad occidendum alterutrum paratiores erunt. Sed & quod fratres nos vocamus, non alias (opinor) infamant quam quod apud ipsos omne sanguinis nomen de affectione.

Statione simulatum est. Fratres etiam vestri sumus jure naturæ matris unius, etsi parum homines vos, quia mali fratres. At quanto dignius fratres & dicuntur, & habentur, qui unum patrem Deum agnoverunt, qui unum spiritum biberunt sanctitatis, qui de uno utero ignorantia ejusdem ad unam lucem expaverint veritatis. Sed eo fortasse minus legitimi existimamur, quia nulla de nostra fraternitate tragoedia exclamat, vel quia ex substantia familiari fratres sumus, quæ penes vos ferè dirimit fraternitatem. Itaque qui animo, animaque miscemur, nihil de rei communicatione dubitamus. Omnia indifcreta sunt apud nos, præter uxores. In isto loco consortium solvimus, in quo solo cæteri homines consortium exercent, qui non amicorum solummodo matrimonia usurpant, sed & sua amicis patientissime subministrant; ex illa (credo) majorum, & sapientissimorum disciplina, Græci Socratis, & Romani Catonis, qui uxores suas amicis communicaverunt, quas in matrimonium duxerant, liberorum causa, & alibi creandorum, nescio quidem an invitas. quid enim de castitate curarent, quam mariti tam facile donaverant? O sapientiæ Atticæ,

Atticæ, ô Romanæ gravitatis exemplum, Leno est Philosophus, & Censor. quid ergo mirum, si tanta caritas conviolatur? Nam & coenulas nostras præterquam sceleris infames, ut prodigas sugillatis. De nobis scilicet Diogenis dictum est; Megareses obsonant, quasi crastina die morituri; ædificant vero quasi nunquam morituri. Sed stipulam quis in alieno oculo facilius perspicit, quam in suo trabem. Tot tribubus, & curiis, & decuriis ructantibus acescit aer: Saliis coenaturis creditor erit necessarius. Herculænarum decimarum & polluctorum sumptus tabularii supputabunt. Apaturiis, Dionysiis mysteriis Atticis coquorum dilectus indicentur. Ad fumum coenæ Serapicæ sparteoli excitabuntur. De solo triclinio Christianorum retractatur. Coena nostra de nomine rationem sui ostendit. Vocatur *ἀγάπη*, id quod dilectio penes Græcos est. Quantiscunque sumptibus constet, lucrum est pietatis nomine facere sumptum, siquidem inopes quosque refrigerio isto juvamus, non qua penes vos parasiti affectant ad gloriam famulandæ libertatis sub auctoramento ventris inter contumelias saginandi; sed qua penes Deum major est contemplatio medio-

erium. Si honesta causa est convivii, reliquum ordinem disciplinæ æstimate, quid sit de religionis officio. nihil vilitatis, nihil immodestiz admittit; non prius discumbitur, quàm oratio ad Deum prægustetur: editur quantum esurientes capiunt: bibitur quantum pudicis est utile. Ita saturantur, ut qui meminerint etiam per noctem adorandum Deum sibi esse. Ita fabulantur, ut qui sciunt Dominum audire. Post aquam manualet, & lumina, ut quisque de scripturis sanctis, vel de proprio ingenio potest, provocatur in medium Deo canere, hinc probatur quomodo biberit. Æque oratio convivium dirimit. inde disceditur non in catervas cætionum, neque in classes discursationum, nec in eruptiones lasciviarum, sed ad eandem curam modestiz, & pudicitiz, ut qui non tam coenam coenaverint, quam disciplinam. Hæc coitio Christianorum merito sanè illicita, si illicitis par; merito damnanda, si quis de ea queritur eo titulo, quo de factionibus querela est. In cuius perniciem aliquando convenimus? Hoc sumus congregati, quod & dispersi. hoc universi, quod & singuli; neminem lædentes, neminem contristantes. Cum probi, cum boni

boni coeunt, cum pii, cum casti congregantur, non est factio dicenda, sed curia.

CAP. XL.

Diluit aliam calumniam, probatque, post adventum Christi, pauciores clades, Deo parcente & miserante, accidisse.

AT è contrario illis nomen factionis accommodandum est, qui in odium bonorum, & proborum conspirant, qui adversum sanguinem innocentium conclamabant, prætexentes sane ad odii defensionem illam quoque vanitatem, quod existiment omnis publicæ cladis, omnis popularis incommodi Christianos esse causam. Si Tiberis ascendit in moenia, si Nilus non ascendit in arva, si coelum stetit, si terra movit, si fames, si lues, statim Christianos ad leonem. Tantos ad unum? Oro vos, ante Tiberium, id est ante Christi adventum, quantæ clades orbem, & urbem ceciderunt. Legimus Hierapolim, & Delon, & Rhodon, & Coon insulas multis cum millibus hominum pessum abisse. Memorat & Plato majorem Asia, & Africae terram Atlantico mari ereptam.

ereptam. Sed & mare Corinthium
terramotus ebibit. & vis undarum Lu-
caniam Italiae abscissam in Siciliae nomen
relegavit. Hæc utique non sine inju-
ria incolentium accidere potuerunt. U-
bi vero tunc non dicam Deorum ve-
strorum contemptores Christiani, sed
ipsi dii vestri, cum totum orbem cata-
clysmus abolevit? vel, ut Plato putavit,
campestre solummodo? posteriores e-
nim illos clade diluvii contestantur ip-
sæ urbes, in quibus nati, mortuique
sunt, etiam quas condiderunt, neque e-
nim alias in hodiernum manerent, nisi
& ipsæ postumæ cladis illius. Nondum
Judæam ab Ægypto examen Palaestina
susceperat, nec jam illic Christianæ sectæ
origo confederat, cum regiones ad fines
ejus Sodoma, & Gomorra igneus imber
exussit. Olet adhuc incendio terra, &
si qua illic arborum poma conantur, o-
culis tenuis, cæterum contacta cineres-
cunt. Sed nec Thuscia jam tunc, at-
que Campania de Christianis quereba-
tur, cum Vulfinios de cœlo, Pompeios
de suo monte perfudit ignis. Nemo
adhuc Romæ Deum verum adorabat,
cum Annibal apud Cannas per Roma-
nos annulos cædes suas modio metieba-
tur. Omnes dii vestri ab omnibus co-
lebantur,

lebantur, cum ipsum Capitolium Senones occupaverunt. Et bene, quod si quid adversi accidit urbibus, eadem clades templorum quæ & moenium fuerunt, ut jam hoc revincam non à deis evenire, quia & ipsis evenit. Semper & humana gens male de Deo meruit, primo quidem ut inofficiosa ejus, quem cum intelligeret ex parte, non requisivit, sed & alios insuper sibi commentata est quos coleret; dehinc quod non inquirendo innocentiam magistrum, & nocentiam judicem, & exactorem, omnibus vitiis, & criminibus inolevit. Cæterum si requisisset, sequebatur, ut cognosceret requisitum, & recognitum observaret. & observatum propitium magis experiretur, quam iratum. Eundem ergo nunc quoque scire debet iratum, quem & retro semper prius quam Christiani nominarentur. Cujus bonis utebatur ante editis quam sibi Deos fingeret, cur non ab eo etiam mala intelligat evenire, cujus bona esse non sensit? Illius rea est, cujus & ingrata. Et tamen si pristinas clades comparemus, leviora nunc accidunt, ex quo Christianos à Deo orbis accepit. Ex eo enim & innocentia seculi iniquitates temperavit, & deprecatores Dei esse coeperunt. Denique cum
ab.

ab imbris æstiva hyberna suspendunt, & annus in cura est, vos quidem quotidie pasti, statimque pransuri balneis, & cauponis, & lupanaribus operati aquilicia Jovi immolatis, nudipedalia populo denuntiatis, cœlum apud Capitolium quæritis, nubila de laquearibus expectatis, averſi ab ipſo & Deo, & cœlo. Nos vero jejuniis aridi, & omni continentia expreſſi, ab omni vitæ fruge dilati, in ſacco, & cinere volutantes, invidia cœlum tundimus, Deum tangimus, & cum miſericordiam extorſerimus, Jupiter honoratur.

CAP. XLI.

Quòd meritò Deus in genus humanum irasce debuit; cùm spernatur, & Statua adorentur.

VOS igitur importuni rebus humanis, vos rei publicorum incommodorum, vos malorum illices ſemper, apud quos Deus ſpernitur, ſtatue adorantur. Etenim credibilius haberi debet cum irasce, qui negligatur, quam qui coluntur. Aut nã illi iniquiſſimi, ſi propter Chriſtianos etiam cultores ſuos lædunt, quos ſeparare deberent à meritis Chriſtianorum. Hoc, inquit, & in

in Deum vestrum repercutere est, siquidem & ipse patitur propter profanos etiam cultores suos lædi. Admittite prius dispositiones ejus, & non retorquetis. Qui enim semel æternum judicium destinavit post seculi finem, non præcipitat discretionem, quæ est conditio judicii ante seculi finem. Æqualis est interim super omne hominum genus, & indulgens, & increpans, communia voluit esse commoda profanis, & incommoda suis, ut pari consortio omnes & lenitatem ejus, & severitatem experiremur. Quia æquitatem didicimus apud ipsum, diligimus lenitatem, metuemus severitatem, vos contra utramque despicitis: & sequitur, ut omnes seculi plagæ nobis, si forte in admonitionem, vobis in castigationem à Deo obveniant. Atqui nos nullo modo lædimur, in primis, quia nihil nostra refert in hoc ævo nisi de eo quam celeriter excedere. Dehinc, quia si quid adversi infligitur, vestris meritis deputatur. Sed etsi aliqua nos quoque perstringunt, ut vobis coherentes lætamur magis recognitione divinarum prædicationum confirmantium scilicet fiduciam, & fidem Ipei nostræ. Si vero ab eis, quos colitis, omnia vobis mala eveniant nostri causa, quid

quid colere perseveratis tam ingratos, tam injustos? qui magis vos in dolorem Christianorum juvare, & asserere debuerant, quos separare deberent à meritis Christianorum.

C A P. XLII.

Contra eos, qui infructuosos dicebant Christianos.

SED alio quoque injuriarum titulo postulamus, & infructuosi in negotiis dicimur. Quo pacto homines vobiscum degentes, ejusdem victus, habitus, instructus, ejusdem ad vitam necessitatis? neque enim Brachmanæ, aut Indorum Gymnosophistæ sumus sylvicolæ, & exules vitæ. Meminimus gratiam nos debere Domino Deo creatori. Nulum fructum operum ejus repudiamus, planè temperamus, ne ultra modum, aut perperam utamur. Itaque non sine foro, non sine macello, non sine balneis, tabernis, officinis, stabulis, nundinis vestris, cæterisque commerciis cohabitamus in hoc seculo. Navigamus & nos vobiscum, & militamus, & rusticamur, & mercamur, proinde miscemus artes, opera nostra publicamus usui vestro. Quomodo infructuosi videamur negotiis.

tiis vestris, cum quibus, & de quibus vivimus non scio. Sed si ceremonias tuas non frequento, attamen illa die homo sum. Non labor diluculo Saturnalibus, ne & noctem, & diem perdam. Attamen labor honesta hora, & salubri, quæ mihi & calorem, & sanguinem servet. Rigere, & pallere post lavacrum mortuus possum. Non in publico Liberalibus discumbo, quod bestiariis suprema coenantibus mos est. Attamen ubi ubi de copiis tuis coeno. Non emo capiti coronam. quid tua interest emptis nihilominus floribus quomodo utar? puto gratius esse liberis, & solutis, & undique vagis. Sed & si in coronam coactis, nos coronam naribus novimus, viderint qui per capillum odorantur. Spectaculis non convenimus; quæ tamen apud illos coetus venditantur si desideravero, libentius de propriis locis sumantur. Thura non eminus. Si Arabiæ queruntur, sciant Sabæi pluris, & carioris suas merces Christianis sepeliendis profligari, quam diis fumigandis. Certe inquitis, templorum vectigalia quotidie decoquunt. Stipes quorus quisque jam jactat? Non sufficimus & hominibus, & diis vestris mendicantibus opem ferre, nec putamus aliis quam pe-

tentibus

tentibus imperriendum. Denique porrigat manum Jupiter, & accipiat, cum interim plus nostra misericordia infumit viciatim, quam vestra religio templatim. Sed cætera vectigalia gratias Christianis agent ex fide dependentibus debitum, quæ alieno fraudando abstinemus, ut si ineatur quantum vectigalibus pereat fraude, & mendacio vestrarum professionum, facile ratio haberi possit, unius speciei querela compensata pro commodo cæterarum rationum.

CAP. XLIII.

Qui de Christianis conqueruntur.

Planè confitebor, qui conqueruntur. Nam si qui forte verè de sterilitate Christianorum conqueri possunt, primi erunt lenones, perductores, aquarioli, tum sicarii, venenarii, magi; item aruspices, arioli, mathematici. His instructuosos esse magnus fructus est. Et tamen quodcumque dispendium est rei vestræ per hanc sectam cum aliquo præsidio compensari potest. Quantos habetis, non dico qui jam de vobis demonia excutiant, non dico jam qui pro vobis quoque verò Deo preces sternant, quia forte non creditis, sed à quibus nihil timere possitis?

CAP.

CAP. XLIV.

*Quantum nocumentum Respublica
patiatur ex morte Christianorum.*

AT enim illud detrimentum reipub-
licæ tam grande quam verum de-
mo circumspicit: illam injuriam civita-
tis nullus expendit, cum tot iusti im-
penduntur, cum tot innocentes eroga-
mur. vestros enim jam contestamur a-
ctus, qui quotidie judicandis custodiis
præsidetis; qui sententiis elogia dispen-
ditis. Tot à vobis nocentes variis cri-
minum elogiis recensentur; quis illic
fiscarius? quis manicularius? quis li-
censeus? aut corruptor? aut lavan-
tium prædo? quis ex illis etiam Chri-
stianus ascribitur? aut cum Christiani
suo titulo offeruntur, quis ex illis etiam
talis, quales tot nocentes? De vestris
semper æstuat carcer: de vestris semper
metalla suspirant: de vestris semper be-
stie saginantur: de vestris semper mu-
lierarii noxiorum greges pascunt. Ne-
mo illic Christianus, nisi planè tantum
Christianus; aut si & aliud, jam non
Christianus.

CAP.

CAP. XLV.

Quòd innocentia solùm in Christianis reperiatur.

NOS ergo soli innocentes. Quid mirum, si necesse est? Enimvero necesse est. Innocentiam à Deo edocti, & perfecte eam novimus, ut à perfecto magistro revelatam, & fideliter custodimus, ut ab in contemptibili dispensatore mandatam. Vobis autem humana æstimatio innocentiam tradidit, humana item dominatio imperavit. Inde nec plenæ, nec adeo timendæ essis disciplinæ ad innocentiam veritatem. Tanta est prudentia hominis ad demonstrandum bonum, quanta auctoritas ad exigendum; tam illa falli facilis, quàm ista contemni. Atque adeo quid plenius dicere non occides, an docere ne irascaris quidem? Quid perfectius prohibere adulterium, an etiam ab oculorum solitaria concupiscentia arcere? quid eruditius de maleficio, an de maliloquio interdicere? quid instructius injuriam non permittere, an nec vicem injuriæ finire? dum tamen sciatis ipsas quoque leges vestras, quæ videntur ad innocentiam pergere, de divina lege, ut antiquiore

tiquiore forma mutatas. Diximus jam de Mosis ætate. Sed quanta auctoritas legum humanarum? quam illas etsi evadere homini contingat, & plerunque in admittis delitescere, & aliquando contemnere ex voluntate, vel necessitate delinquendi, recogitata etiam brevitate supplicii cujusslibet, non tamen ultra mortem remansuri. Sic & Epicurus omnem cruciatum, dolorémque depre-
riat, modicum quidem contemptibilem pronuntiando, magnum vero non diuturnum. enimvero nos qui sub Deo omnium speculatore dispungimur, quique æternam ab eo poenam provide-
mus, merito soli innocentia occuri-
mus, & pro scientia plenitudine, & pro latebrarum difficultate, & pro magni-
tudine cruciatu non diuturni, verum
sempiterni, eum timentes, quem timere
debebit & ipse, qui timentes judicat,
Deum non proconsulem timentes.

CAP.

CAP. XLVI.

*Quòd Christiani debeant licentia
discipline philosophis adequari;
maximè, cum illi veritatem inte-
grè præstent, quam hi mimicè af-
fectant.*

Constituimus (ut opinor) adversus
omnium criminum intentionem,
quæ Christianorum sanguinem flagitat.
Ostendimus totum statum nostrum, &
quibus modis probare possimus ita esse,
sicut ostendimus, ex fide scilicet, & an-
tiquitate divinarum literarum. Item ex
confessione spiritualium potestatum. Quis
nos revincere audebit, non arte ver-
borum, sed eadem forma, quæ proba-
tionem constituimus de veritate? Sed
dum unicuique manifestatur veritas
nostra, interim incredulitas dum de bo-
no sectæ hujus obducitur, quod usu jam,
& de commercio innotuit, non utique
divinum negotium existimat, sed magis
philosophiæ genus. eadem, inquit, &
philosophi monent, & profitentur, in-
nocentiam, justitiam, patientiam, sobri-
etatem, pudicitiam. Cur ergo quibus
comparamur de disciplina, proinde il-
lis non adæquamur ad licentiam, impu-
nita-

nitatēque disciplinæ? vel cur & illi, ut pares nostri, non urgentur ad officia, quæ nos non obeuntes periclitamur? Quis enim philosophum sacrificare, aut dejerare, aut lucernas meridie vanas proferre compellit? Quinimmo & Deos vestros palam destruunt, & superstitiones vestras commentariis quoque accusant, laudantibus vobis. Plerique etiam in principes latrant sustinentibus vobis, & facilius statuis, & salariis remunerantur, quam ad beltias pronuntiantur; sed merito. Philosophi enim, non Christiani cognominantur. Nomen hoc Philosophorum dæmonia non fugat. quidni? cum secundum Deos Philosophi dæmonas deputent. Socratis vox est, si dæmonium permittat. Idem & cum aliquid de veritate sapiebat Deos negans, Æsculapio tamen gallinaceum profecari jam in fine jubebat, credo ob honorem patris ejus, quia Socratem Apollo sapientissimum omnium cecinit. O Apollinem inconsideratum! Sapientiæ testimonium reddidit ei viro, qui negabat Deos esse. In quantum odio flagrat veritas, in tantum qui eam ex fide præstat, offendit. Qui autem adulterat, & affectat, hoc maximè nomine gratiam pangit apud insectatores veritatis,

ritatis, qua illulores, & corruptores. Mimice Philosophi affectant veritatem, & affectando corrumpunt, ut qui gloriam captant. Christiani eam necessario appetunt, & integre præstant, ut qui salutis suæ curant, adeo neque de conscientia, neque de disciplina, ut putatis, æquamur. Quid enim Thales ille princeps Physicorum sciscitanti Croeso de divinitate certum renuntiavit, commeatus deliberandi sæpe frustratus? Deum quilibet opifex Christianus & invenit, & ostendit. Et exinde totum, quod adeo quæritur, re quoque assignat: licet Plato affirmet factitátorem universitatis, neque inveniri facilem, & inventum enarrari in omnes difficilem. Cæterum si de pudicitia provocemus, lego partem sententiæ Atticæ in Socratem corruptorem adolescentium pronuntiatam. Sexum nec foemineum mutat Christianus. novi & Phrynen meretricem Diogenis supra recubantis ardorem subantem. Audio & quendam Speusippum de Platonis schola in adulterio periisse. Christianus uxori suæ soli masculus nascitur. Democritus excæcando semetipsum, quod mulieres sine concupiscentia aspicere non posset, & doleret, si non esset potitus, incontinentiam emendatione

datione profiretur. At Christianus salvis oculis foeminam videt. animo adversus libidinem cæcus est. Si de probitate defendam, ecce lutulentis pedibus Diogenes superbos Platonis toros alia superbia deculcat. Christianus nec in pauperem superbit. Si de modestia certem; ecce Pythagoras apud Thurios, Xenon apud Prienenses tyrannidem affectant, Christianus vero nec ædilitatem. Si de æquanimitate congrediar, Lycurgus *Ἰσοκράτησι* optavit, quod leges ejus Lacones emendassent, Christianus etiam damnatus gratias agit. Si de fide comparem, Anaxagoras depositum hostibus denegavit; Christianus etiam extra fidelis vocatur. Si de simplicitate consistam, Aristoteles familiarem suum Hermiam turpiter loco excedere fecit; Christianus nec inimicum suum lædit. Idem Aristoteles tam turpiter Alexandro regendo potius adulatur, quàm Plato à Dionysio ventris gratia venditur. Aristippus in purpura sub magna gravitatis superficie nepotatur, & Hippias, dum civitati infidias disponit, occiditur. Hoc pro suis annis aurocitæ dissipatis, nemo unquam tentavit Christianus. Sed dicet aliquis, etiam de nostris excedere quosdam à regula disciplinæ.

ciplinæ. Desinunt tum Christiani haberi penes nos. Philosophi vero illi cum talibus factis in nomine, & in honore sapientiæ perseverant. Quid adeo simile Philosophus, & Christianus? Græciæ discipulus, & coeli? famæ negotiator, & vitæ? verborum, & factorum operator, & rerum ædificator, & destructor? amicus, & inimicus erroris, veritatis interpolator, & integrator, & expressor, & furator ejus & custos?

CAP. XLVII.

*Quòd omnes potaverint de Divino
sacra Literatura fonte.*

Antiquior omnibus veritas (ni fallor) & hoc mihi proficit antiquitas perstructa divinæ literaturæ, quo facile credam thesaurum eam fuisse posteriori cuique sapientiæ. Et si non onus jam voluminis temperarem, etiam excurrerem in hanc quoque probationem. Quis poëtarum, quis sophistarum, qui non omnino de Prophetarum fonte potaverit? Inde igitur philosophi fitim ingenii sui rigaverunt, ut quæ de nostris habent, ea nos comparent illis. Inde (opinor) & à quibusdam quoque ejecta philosophia, à Thebanis dico,

co, à Spartiatis, & Argivis, dum ad nostra conantur, & homines gloriæ (ut diximus) & eloquentiæ solius libidinosi, si quid in sanctis scripturis offenderunt, digestis, pro instituto curiositatis ad propria verterunt, neque satis credentes divina esse quo minus interpolarent, neque satis intelligentes, ut adhuc tunc subnubila, etiam ipsis Judæis obumbrata, quorum propria videbantur. Nam & si qua simplicitas erit veritatis, eo magis scrupulositas humana fidem aspernata mutabat, per quod incertum miscuerunt etiam quod invenerant certum. Inventum enim solummodo Deum, non ut invenerant, disputaverunt, ut & de qualitate, & de natura ejus, & de sede disceptent. Alii incorporalem asseverant, alii corporalem, ut tam Platonici quàm Stoici, alii ex atomis, alii ex numeris, sicut Epicurus, & Pythagoras, alii ex igne, qualiter Heraclito visum est. Et Platonici quidem curantem rerum; contra Epicurei otiosum, & inexercitum, & ut ita dixerim, neminem humanis rebus; positum vero extra mundum Stoici, qui figuli modo extrinsecus torqueat molem hanc; intra mundum Platonici, qui gubernatoris exemplo intra illud maneat, quod regat. Sic &

de ipso mundo natus, innatusve sit, decessurus mansurusve sit variant, sic & de animæ statu, quam alii divinam & æternam, alii dissolubilem contendunt, ut quis sensit, ita & intulit, aut reformavit. Nec mirum si vetus instrumentum ingenia philosophorum interverterunt. Ex horum semine & nostram hanc novitiolam paraturam viri quidam suis opinionibus ad philosophicas sententias adulteraverunt, & de una via obliquos multos tramites, & inexplicabiles scinderunt. Quod ideo suggesserim, ne cui nota varietas sectæ hujus in hoc quoque nos philosophis adæquare videatur, & ex varietatè defensionum judicet veritatem, expedite autem præscribimus adulteris nostris illam esse regulam veritatis, quæ veniat à Christo, transmissa per comites ipsius, quibus aliquanto posteriores diversi isti commentatores probabuntur. Omnia adversus veritatem de ipsa veritate constructa sunt operantibus æmulationem istam spiritibus erroris. Ab his adulteria hujusmodi salutaris disciplinæ suborta, ab his quædam etiam fabulæ immixtæ, quæ de similitudine fidem infirmarent veritatis, vel etiam, si possent, evincerent, ut quis ideo non putet Christianis credendam, quia

quia nec poetis, & philosophis, vel ideo magis poetis, & philosophis existimet credendum, quia non Christianis. Itaque & ridemur Deum prædicantes judicaturum. Sic enim & poetæ, & philosophi tribunal apud inferos ponunt. Si geheonam comminemur, quæ est ignis arcani subterraneus ad poenam thesaurus, proinde decachinnamur. Sic enim & Pyriphlegethon apud mortuos annis est; & si paradisum nominemus locum divinæ æmœnitatis recipiendis sancterum spiritibus destinatum, maceria quadam igneæ illius zonæ à notitia orbis communis segregarum, Elysi campi fidem occuparunt. Unde hæc oro vos, philosophis, aut poetis tam consimilia? non nisi de nostris sacramentis. Si de nostris sacramentis, ut de prioribus? Ergo fideliora sunt nostra magisque credenda, quorum imagines quoque fidem inveniunt. Si de suis sensibus, ergo jam sacramenta nostra imagines posteriorum habebuntur, quod rerum forma non sustinet. nunquam enim corpus umbra, aut veritatem imago præcedit.

C. A. P. XLVIII.

De resurrectione Corporum.

AGE jam si quis philosophus affirmet, ut ait Laberius, de sententia Pythagoræ, hominem fieri ex mulo, colubrum ex muliere, & in eam opinionem omnia argumenta eloquii virtute detorserit, nonne & sensum movebit, & fidem infiget etiam ab animalibus abstinendi? Propterea persuasum quis habeat, ne forte bubulam de aliquo proavo suo opsonet. At enim Christianus, si de homine hominem, ipsumque de Caio Caium reducem repromittat, lapidibus magis, nec saltem cadibus à populo exigetur? si quæcunque ratio præest animarum humanarum reciprocandarum in corpora, cur non in eandem substantiam redeant, cum hoc sit restitui, id esse quod fuerat? Jam non ipsæ sunt, quæ fuerant, quia non potuerunt esse quod non erant, nisi desinant esse quod fuerant. Multis etiam locis ex otio opus erit, si velimus ad hanc partem lascivire. Quis inquam bestiam reformari vidit? sed de nostra magis defensione, qui proponimus multo utique dignius credi hominem ex homine

mine rediturum, quemlibet pro quolibet, dum eadem qualitas animæ in eandem restauretur conditionem, & si non effigiem, certe quia ratio restitutionis destinatio iudicii est, necessario idem ipse, qui fuerat, exhibebitur, ut boni, seu contrarii meriti iudicium, à Deo referat. Ideoque repræsentabuntur, & corpora, quia neque pati quicquam potest anima sola sine materia stabili, id est carne; Et quod omnino de iudicio Dei pati debent animæ, non sine carne meruerunt, intra quam omnia egerunt. Sed quomodo, inquis. dissoluta materia exhiberi potest? Considera remetipsum ô homo, & fidem rei invenies. Recogita quid fueris antequam esses, utique nihil, meminisses enim, siquid fuisses. Qui ergo nihil fueras, prius quàm esses, idem nihil factus cum esse desieris, cur non posses esse rursus de nihilo ejusdem ipsius auctoris voluntate, qui te voluit esse ex nihilo? Quid novi tibi eveniet? qui non eras, factus es; cum iterum non eris, fies. Redde rationem, si potes, qua factus es, & tunc require qua fies. Et tamen facilius utique fies, quod fuisti aliquando, quia æque non difficile factus es, quod nunquam fuisti aliquando. Dubitabitur, credo, de Dei

viribus, qui tantum corpus hoc mundi de eo, quod non fuerat, non minus quàm de morte vacationis, & inanitatis, imposuit animatum spiritu omnium animarum animatore, signatum & ipsum humanæ resurrectionis exemplum in testimonium nobis. Lux quotidie interfecta resplendet, & tenebræ pari vice cedendo succedunt, sidera defuncta vivescunt, tempora ubi finiuntur, incipiunt, fructus consummantur, & redeunt, certe semina non nisi corrupta, & dissoluta fecundius surgunt, omnia pereundo servantur, omnia de interitu reformatur. Tu homo tantum nomen, si intelligas te, vel de titulo Pythiæ discens Dominus omnium morientium, & resurgentium, ad hoc morieris, ut pereas ubicunque resolutus fueris, quæcunque te materia destruxerit, hauserit, abolerit, in nihilum prodegerit, reddet te. ejus est nihilum ipsum, cujus & totum. Ergo, inquitis, semper moriendum erit, & semper resurgendum. Si ita rerum Dominus destinasset, ingratissimè experireris conditionis tuæ legem. At nunc non aliter destinavit, quàm prædicavit, quæ ratio universitatem ex diversitate composuit, ut omnia æmulis substantiis sub unitate constarent ex vacuo,

cuo, & solido, ex animali, & inanima-
li, ex comprehensibili, & incomprehen-
sibili, ex luce, & tenebris, ex ipsa vita,
& morte, eadem ævum quoque ita
destinata ac distincta conditione conse-
ruit, ut prima hæc pars ab exordio re-
rum quam incolimus, temporali ætate
ad finem defluat: sequens vero, quam
expectamus, in infinitam æternitatem
propagetur. Cum ergo finis, & limes
medius, qui interhiat, affuerit, ut eti-
am mundi ipsius species transferatur æ-
que temporalis, quæ illi dispositioni æ-
ternitatis aulæi vice oppansa est, tunc
restituatur omne humanum genus ad
expungendum, quod in isto ævo boni,
seu mali meruit, & exinde in immensam
æternitatis perpetuitatem. Ideoque nec
mors jam, nec rursus ac rursus resur-
rectio, sed erimus iidem, qui nunc, nec
alii post: Dei quidem cultores apud
Deum semper, superinduti substantia
propria æternitatis. Profani vero, &
qui non integri apud Deum, in poena
æque jugis ignis, habentes ex ipsa na-
tura ejus divinam scilicet subministra-
tionem incorruptibilitatis. Noverunt &
Philosophi diversitatem arcani, & publici
ignis. Ita longe alius est qui usui hu-
mano, alius, qui judicio Dei apparet.

sive de coelo fulmina stringens, sive de terra per vertices montium eructans, non enim assumit, quod exurit, sed dum erogat, reparat. Adeo manent montes semper ardentes, & qui de coelo tangitur salvus est, ut nullo jam igni decinerescat. Et hoc erit testimonium ignis æterni. Hoc exemplum jugis iudicii poenam nutrientis. Montes uruntur, & durant. Quid nocentes, & Dei hostes?

CAP. XLIX.

Quod in Christianis præsumptiones vocantur, quæ in philosophis & poetis summæ scientiæ.

HÆC sunt, quæ in nobis solis præsumptiones vocantur, in philosophis & poetis summæ scientiæ, & insignia ingenia. Illi prudentes, nos inepti. Illi honorandi, nos irridendi. immo eo amplius & puniendi. Falsa nunc sint, quæ tuemur, & merito præsumptiones, attramen necessaria; inepta, attramen utilia. Siquidem meliores fieri coguntur, qui eis credunt metu æterni supplicii, & spe æterni refrigerii. Itaque non expedit falsa dici, nec inepta haberi, quæ expedit vera præsumi. Nullo
titulo

titulo damnari licet quæ profunt omnino. In vobis itaque præsumptio est hæc ipsa, quæ damnat utilia. Proinde nec inepta esse possunt. certe & si falsa, & inepta, nulli tamen noxia, nam & multis aliis similia, quibus nullas poenas irrogatis, vanis, & fabulosis, inaccusatis, & impunitis, ut innoxiiis. Sed in ejusmodi error si utique irrisioni judicandum est, non gladiis, & ignibus, & crucibus, & bestiis, de qua iniquitate sævitia non modo cæcum hoc vulgus exultat, & insultat, sed & quidam vestrum quibus favor vulgi de iniquitate captatur, gloriantur, quasi non totum, quod in nos potestis, nostrum sit arbitrium. Certe, si velim Christianus sum, tunc ergo me damnabis, si damnari velim. Cum vero quod in me potes, nisi velim, non potes, jam meæ voluntatis est, quod potes, non tuæ potestatis. Proinde & vulgus vane de nostra vexatione gaudet. Proinde enim nostrum est gaudium, quod sibi vindicant, qui malumus damnari, quam à Deo excidere. Contra illi, qui nos oderunt, dolere non gaudere debebant consecutis nobis quod elegimus.

CAP. L.

De victoria Christianorum in suppliciis.

ERgo, inquitis, cur querimini, quod vos insequamur, si pati vultis, cum diligere debeatis, per quos patimini? quod vultis, plane volumus pati; verum eo more, quo & bellum miles. Nemo quippe libens patitur, cum & trepidare, & periclitari sit necesse, tamen & præliatur omnibus viribus, & vincens in prælio gaudet, qui de prælio querebatur, quia & gloriam consequitur, & prædam. Prælium est nobis, quod provocamur ad tribunalia, ut illic sub discrimine capitis pro veritate certemus. Victoria est autem pro quo certaveris, obtinere. Ea victoria habet & gloriam placendi Deo, & prædam vivendi in æternum. Sed obducimur certe, cum obtruncamus, ergo vicimus, cum occidimur, denique evadimus, cum obducimur. Licet nunc farmenticios, & semaxios appelletis, quia ad stipitem dimidii axis revincti farmentorum ambitu exurimur. Hic est habitus victoriae nostræ. Hæc palmata vestis. Tali currum triumphamus. Merito itaque victis non placemus.

placemus. Propterea enim desperati,
& periti existimamur. Sed hæc de-
speratio, & perditio penè vos in causa
gloriæ, & famæ vexillum virtutis ex-
tollunt. Mutius dextram suam libens
in ara reliquit. O sublimitas animi!
Empedocles totum sese Catanensium Æt-
næis incendiis donavit. O vigor men-
tis! Aliqua Carthaginis conditrix ro-
go se secundum matrimonium dedet. O
præconium castitatis! Regulus ne unus
pro multis hostibus viveret, toto cor-
pore cruces patitur. O virum fortem,
& in captivitate victorem! Anaxarchus
cum in exitum Prisanæ pilo contunde-
retur; tunde, tunde, aiebat, Anaxar-
chi follem, Anaxarchum enim non tun-
dis. O philosophi magnanimitatem,
qui tali de suo exitu etiam jocabatur!
Omitto, qui cum gladio proprio, ali-
ve genere mortis mitiore de laude pe-
pigerunt. Ecce enim & tormentorum
certamina coronantur à vobis. Attica
meretrix carnifice jam fatigato, postre-
mo linguam suam commestam in faci-
em tyranni savientis expuit, ut expueret
& vocem, ne conjuratos confiteri posset,
si etiam victa voluisset. Zeno Eleates
consultus à Dionysio, quidnam Philo-
sophia præstaret, cum respondisset con-
tēptum

temptum mortis, impassibilibus flagellis tyranni objectus, sententiam suam ad mortem usque signabat. Certe Laconum flagella sub oculis etiam hortantium propinquorum acerbata tantum honorem tolerantiae domui conferunt, quantum sanguinis fuderint. O gloriam licitam, quia humanam, cui nec praesumptio perdita, nec persuasio desperata reputatur in contemptu mortis, & atrocitatis omnimodae, cui tantum pro patria, pro imperio, pro amicitia pati permissum est, quantum pro Deo non licet ! Et tamen illis omnibus & statuas defunditis, & imagines inscribitis, & titulos inciditis in aeternitatem : quantum de monumentis potestis scilicet praestatis & ipsis quodammodo mortuis resurrectionem. Hanc qui veram à Deo sperat, si pro Deo patiatur, insanus est. Sed hoc agite boni praesides, meliores multo apud populum, si illis Christianos immolaveritis. Cruciate, torquete, dammate, atterite nos. Probatio est enim innocentiae nostrae iniquitas vestra. Ideo nos haec pati Deus patitur. Nam & proxime ad lenonem damnando Christianam, potius quam ad leonem, confessi estis labem pudicitiae apud nos atrocioris omni poena, & omni morte reputari.

tari. nec quicquam tamen proficit exquisitor quæque crudelitas vestra, illecebra est magis sectæ. Plures effici-mur, quoties metimur à vobis. semen est sanguis Christianorum. Multi apud vos ad tolerantiam doloris, & mortis hortantur, ut Cicero in Tusculanis, ut Seneca in Fortuitis, ut Diogenes, ut Pyrrhon, ut Callinicus. Nec tamen tantos inveniunt verba discipulos, quantos Christiani factis docendo. Illa ipsa obstinatio, quam exprobratis, magistra est. Quis enim non contemplatione ejus concutitur ad requirendum quid intus in re sit? Quis non ubi requisivit, accedit? ubi accessit, pati exoptat? ut Dei gratiam redimat, ut omnem veniam ab eo compensatione sanguinis sui expediat? omnia enim huic operi delicta donantur. Inde est, quod ibidem sententiis vestris gratias agimus, ut est æmulatio divinæ rei, & humanæ, cum damnamur à vobis, à Deo absolvimur.

F I N I S.